

University of Toronto
E 76/b
ASIAN COLLECTION



古今歷代標題註釋十九史略通攷卷之六

前進士廬陵曾先之編次

松塢門人鄱陽竹窩余進宗海通攷

五代按五代所傳中原數州之地與諸僭竊無異今但以得國年代相接而已正統

非有所屬也

梁

梁太祖皇帝初名溫姓朱氏碭山人朱五經之

子也碭音蕩○碭山邑名屬宋州朱五經名誠蓋以五經教授而得命名也少無賴

從黃巢為盜降唐賜名全忠以去聲○無賴猶言無藉也初

鎮汴攻併徐州兗州鄆州攻河北河東諸郡屢

清

與李克用交兵尋取河中晉絳用兵華岐東降

青州南取荆襄橫行諸鎮間却遷唐都於洛遂

篡唐更名是更音庚○晉州屬山西即襄陽府封其

元全昱為王嘗罵之曰朱三汝作天子邪汝從

黃巢作賊天子用汝為四鎮節都使何負於汝

奈何滅唐家三百年社稷自為帝王行當族滅

矣昱音育○朱三溫行也四鎮是時李克用王

晉王去聲下王岐王准李茂貞王岐茂貞本姓

僖宗時以功賜姓名鎮楊行密為吳王王淮南

行密卒子渥代之行密昭宗時鎮淮王建王蜀

南遂據有其地

鎮建許州舞陽人昭宗時錢鏐王兩浙兩浙謂浙西

王潮據閩已卒弟審知代之閩音民州名屬福建審知光州固始

鎮入昭宗時馬殷據湖南殷許州鄆陵人昭宗時鎮潭州劉隱據

廣宗隱南海人昭宗時鎮清海皆自唐末以采割據諸州○蜀

王王建稱帝○晉王李克用卒初克用有養子

曰存孝最驍勇有功養子存信疾而譖之存孝

懼禍而叛克用討獲囚歸惜其才意臨刑必有

為之請者諸將疾其能竟無一人言遂死又有

薛阿檀亦勇密為存孝謀恐事泄自殺為去聲下同阿

遇音自是克用兵勢寢弱唐末數為汴人所攻失

數州

數州之去聲

汴兵直抵晉陽城下克用登城備

禦不遑寢食後汴兵再圍晉陽以疾還克用幾

欲走會汴兵去而止

抵至也疾至也

幾平聲

克用不能

與汴人爭者累年悒悒以至于卒

悒音邑憂也

史斷曰克用雖沙陀微種奄有河東巢寇之

平功為第一上源之變訴于朝廷而不獲伸

遂與賊梁相攻積年不解然安於爵列為唐

純臣每有除吏恥行墨敕必表聞朝廷觀其

答蜀主書曰誓此一生靡敢失節此其忠義

上通於天賢於一時方伯遠矣故先儒稱其

得人臣之體述其忠義功烈為唐末第一流
蓋以此也

子存勗立時梁兵侵晉圍潞州晉李嗣昭閉城

固守踰年梁築夾寨守之

寨助邁反木柵又壘也

存勗與

諸將謀曰朱溫所憚者先王耳聞吾新立以為

童子必有驕怠之心若簡精兵倍道趨之出其

不意取威定霸在此一舉不可失也遂帥兵發

晉陽伏三垂岡下旦乘大霧直抵夾寨填塹燒

寨鼓譟而入梁兵大潰遂解潞圍

三垂岡在潞州黎城縣塹

濠池也

胡氏曰喪不二事故春秋於背喪而即戎者皆深譏之惟其門庭之寇存亡繫焉然後從權制而無避此費誓所以得列於典謨命誥之後也若李存勗夾寨之戰君子深有取者與是類耳蓋夾寨距晉陽不百里可謂危急之秋也使存勗於是時執哀戚之常情忽國家之大計上黨淪陷則晉陽不存又豈所以為孝乎是以審緩急量輕重出奇制勝以走梁師然後霸基復安君子美之垂訓大矣淮南張顥徐溫弑其節度使楊渥溫復攻顥殺

之將吏推楊隆演為節度使溫自領昇州刺史

渥行密之子隆演渥之弟也昇州屬江東即建

康○書法曰節度為下所殺多矣未有書弒者

此其書弒何唐亡也上無天子節鎮專地為之

屬者皆其臣矣書弒所以正君臣之分也然則

溫能殺賊而何以不書討溫既與弒則○梁以王

賊殺賊而已矣安得以討予之哉

審知為閩王○梁以劉守光為燕王守光者盧

其恭之子也先是囚○梁夏州亂殺節度使李

其父而自領軍府

彝昌以其族父仁福代之彝昌本姓拓跋上世

○梁清海節度使劉隱卒弟巖知留後○燕王

劉守光稱帝書法曰守光篡父綱目削其爵矣

帝之為燕帝也雖書稱帝○晉師及鎮定之兵

綱目終不以燕主書之

伐幽州梁主救之大敗走還

鎮州屬河北即常山郡定州即中山

府也○書法曰殊鎮定何尊盟主也其書伐何予

晉也當是時唯晉大國而稱唐正朔舉事近義

故綱目於初鎮州王鎔定州王處真推晉王為

盟主梁攻鎮州襲取諸郡晉王伐其兵於栢鄉

大破之栢鄉縣名屬趙州至是晉帥二鎮伐燕梁主救

之大敗走歸州二鎮謂鎮定州先是梁主已有疾及是

慙憤曰我經營天下三十年不意太原遺孽更

昌熾如此吾觀其志不小我死諸兒非彼敵也

吾無葬地矣遺孽謂克用已死疾愈劇且加躁

急劇竭戰反甚也愛假子女文之妻將立友文為嗣遂

為其子友珪所弑在位六年改元者二曰開平
乾化初以汴州為東都開封府洛陽為西都遷
都洛陽者乙四年友珪自立尋伏誅均王立
史斷曰朱溫為黃巢賊黨力屈來降王鐸推
獎過分既與同華節鎮不因立功朝廷又與
宣武等重鎮寵過而驕志欲無厭遂移唐祚
考其所為直臣盜耳篡國之後刑虐不悛戕
害無辜不念聚麀之恥釀成友珪之禍未及
七年其子屠之如机上肉回視前日弑逼之
慘天之報之足稱其施可畏也夫

為王

名友貞

朱溫弟三子

初為東都指揮使友珪弑

逆起兵誅之而即位於汴更名瑱他音庚瑱○

晉王入幽州執劉仁恭及守光以歸誅之書法

之伐也仁恭為守光也書執守光可矣書仁恭何皆罪

人也然則曷為不書仁恭父子○梁賜高季昌爵

渤海王季昌峽右人本朱友恭之僕夫為荆南節度使○契丹稱帝改

元書法曰劉淵嘗書稱皇帝矣於是復見然生

得與淵比何純夷也契丹古東胡種也其先國

在橫山南本鮮卑舊地元魏時自號契丹種上

屬復州初大賀氏有八子號八部大人推一人

為主三年一代大賀氏其君唐開元中有邵固

者統衆詔許襲王襲王謂承至是諸部以耶律

幹里少子阿保機為主并奚渤海諸國始建元

不復受代國人謂之天皇王少去聲○耶律姓

種渤海北○劉巖稱越帝於廣州國彌越後改

○吳徐溫徙治昇州以徐知誥為淮南行軍副

使輔政知誥溫之○蜀王建殂太子宗衍立○

吳宣王隆演卒躬溥立音○唐特進河東監

軍使張承業卒承業故唐宦者為晉王招拾財

帝力諫知不可止勸哭曰諸侯血戰本為唐將

今王自取之誤老奴矣愬愬成疾而卒○書法
曰監軍具官卒何承業賢也於是唐亡十六載
矣曷為冠之以唐著○晉王存勗稱皇帝于魏
承業心乎唐者也

州國號唐先是吳蜀屢書勸晉王稱帝晉王謂
傳國寶於魏州將佐皆賀勸進不已遂即位陵

晉為唐奉唐祀○書法曰綱目於晉多予辭此
其書稱皇帝如梁何惜之也綱目予晉以其不

忘唐也主雖未滅而遷自立故惜之書曰國號
唐所以殊朱邪於李氏也○梁遣招討使王彥

不書則疑於漢昭烈矣○梁遣招討使王彥
章攻鄆州唐主救之梁師敗績彥章死之唐主

入大梁梁主瑱自殺唐遂滅梁○書法
志梁之無備也書遂滅何所以去唐之非素

畫也然則唐之得梁非幸而梁之失國非不幸
矣先是晉梁連歲交兵梁魏州降于晉○書法

魏州屬

河東府

晉王入魏拔德州澶州澶音蟬○德州屬山東

即頓丘梁劉鄩襲晉陽不克而還攻鎮定營晉師

敗之鄩攻魏州晉王又敗之梁又襲晉陽晉人

擊卻之鄩音尋晉克衛磁洛相邢滄貝州掠濮鄆

相去聲梁人決河以限晉晉王攻拔其四寨已而

大舉伐梁戰于胡柳晉將周德威敗死晉王收

兵復戰大破梁軍胡柳破名晉築德勝南北兩城梁

攻之不克梁招討使王瓚為晉所敗梁河中降

瓚在簡反鎮州將弒趙王王鎔晉王討平之鎮

將謂張文禮也晉王即帝位遣李嗣源襲取梁鄆州梁

以王彥章為招討使唐主戒德勝守者曰王鐵

槍勇決謹之彥章果拔南城進拔諸寨至揚劉

力攻不克而退

時號彥章為王鐵槍揚劉城名在鄆州北

至是彥章

敗死唐以嗣源為前鋒五日入大梁梁主猶疑

諸兄弟乘危謀亂盡殺之尋命其下殺已在位

十一年改元者二曰貞明龍德梁自太祖稱帝

至是二世凡一十七年而亡

其下謂皇甫麟

史斷曰均王誅友珪而嗣立以義討賊成功

固宜然唐之稔禍非一日天將廢之誰能興

之况均王膏梁之子才不逮人寵信趙張踈

棄敬李賣官鬻爵貨賂公行政事不脩威權
日去唐兵一麾宗廟遽滅是非李亞子用兵
之善乃梁之自不善耳夫朱三起自降賊遽
擁旌旗小人負乘貪欲無厭圍迫天子害朝
臣殺太后勦諸王殺二帝移唐鼎迹其罪戾
盡南山之竹有不足書者自王莽以來一人
而已而凶殘淫穢抑又甚焉再世而亡非不
幸也宜也

唐

唐莊宗皇帝名存勗沙陀人也本姓朱邪先世

立功賜姓李

唐賜姓事見唐懿宗紀

父克用有勇略一目微

眇號獨眼龍為唐平黃巢立大功王于晉為去聲

與朱氏為仇暮年頗為所感憂形於色存勗幼

進言曰朱氏窮凶極暴人怨神怒極將斃矣吾

家世襲忠貞大人當遵養時晦以待其衰奈何

輕為沮喪使羣下失望乎

沮上聲喪去聲謂沮抑喪氣也

克用

說臨終立為嗣謂其下曰此子志氣遠大必能

成吾事

說音悅

年十七嗣晉王位即舉兵破梁解

潞圍自是連勝梁祖歎曰生子當如李亞子吾

兒豚犬耳

亞子存勗小名

存勗東併幽州北卻契丹南

與梁夾河百戰

郤退也

既即帝位國號唐奉唐祀

入汴滅梁都大梁已而遷維陽

維與洛同

侍中郭崇

韜有謀略佐唐主成業至是權兼內外謀猷規

益竭忠無隱薦引人物他相受成而已

○相去聲受成

謂承受見成也

胡氏曰孔子曰欲速則不達見小利則大事

不成晉王以夷狄賜姓豈親宗室之比朱氏

未滅偏霸大國周匝三垂存勗戰克攻取之

才固為羣雄所服而輔世長民之德天下未

聞也於是而遽登宸極則欲速見小利是以

其行不達而大事不成也

唐封高季興為南平王

季興者唐荆南節度使高季昌之改名也

○

唐遣魏王繼岌及郭崇韜將兵伐蜀蜀主東遊

唐師滅蜀蜀主王衍降

蜀自王建僭號至是二

曰上書伐蜀次書東遊下書滅蜀所以著王衍

沉涵驕慢為後世戒也先書滅後書降何蜀無

抗者則已滅矣○閩王王審知卒子延翰立○

滅不繫其降矣

唐以孟知祥為西川節度使

人郭從謙殺其主存勗

從謙人樂工也○書法曰

書伶人何所以著寵

任伶優者之效也唐主自克梁後寢驕首以

伶人為刺史唐主幼習音律或時自傅粉墨與

優人共戲優名謂之李天下

傳音付塗也

嘗自呼曰

李天下李天下優人敬新磨遽前批其頰唐主

失色新磨徐曰理天下只一人尚誰呼邪主悅

批擊也呼去聲

○諸伶人出入宮掖侮弄搢紳羣臣憤

疾莫有出氣亦有互相附托納賂展轉以干恩

澤蠹政害人恣為讒慝

搢紳公卿大臣也慝惡也

唐主踈忌

宿將不恤軍士數出遊獵蹂踐民田上下咨怨

數音朔踈忍尤反

魏博將成瓦橋代歸復遣留屯貝州

遂作亂奉趙在禮入據鄴都

瓦橋關在雄州

名唐遣李

嗣源討之至城下軍士大譟曰將士從主上十

年百戰以得天下今貝州戍卒思歸主上不赦

從馬直數卒喧競遽欲盡誅其族我輩初無叛

心但畏死今欲與城中合勢拔白刃擁嗣源入

城城中不受外兵逆擊之皆潰從去聲○先是從馬直軍士王

溫等五人作亂討斬之故曰數卒喧競嗣源詭辭得出將名兵攻

亂者安重誨曰公為元帥不幸為凶人所劫不

若星行詣闕見天子庶可自明見音覲嗣源乃南

趨相州譖者奏嗣源已叛嗣源上章自理還不

得通始疑懼相去聲○也絕也遇石敬瑭曰安有上將

與叛卒入賊城而他日得保無恙者乎大梁天

下都會願先往取之庶可自全善也康義誠曰

主上無道軍民怨望公從衆則生守節必死嗣

源乃以敬瑭為前鋒李從珂為殿引兵入大梁

殿顛去聲○唐主如關東聞嗣源已據大梁諸

軍離叛神色沮喪歎曰吾不濟矣即命旋師往如

也從馬直郭從謙帥兵於汜水作亂唐主中流

矢而殂汜音祀稱帝僅三年改元同光伶人歛

樂器覆屍而焚之歛收也嗣源聞之慟哭

乃入洛陽百官上牋勸進不許又三請監國乃

許之進謂即位繼岌自蜀歸途聞之難至長安自

殺監國立是為明宗皇帝

難去聲

胡氏曰莊宗初立決勝夾寨解潞州之圍歸而治國訓兵事各有理使朱溫未死固必為所擒矣既違張承業忠謀亟稱尊號則舉措之失已稍形見逮滅梁之後遂無一善可稱與向者猶二人然是何也才器有限也若曰天數則裂膚汗血沐雨櫛風凡十五年而後得好遊畋幸婦女寵伶人信宦官不三年而滅亡其心昔明而今暗先戒而後肆豈亦天邪故莊宗之命哲命吉凶命歷年皆所自貽

不可歸之天數也

明宗皇帝本胡人邀佶烈也為晉王克用養子

名嗣源莊宗滅梁嗣源功最高為中書令蕃漢

馬步總管受命討鄴為叛卒所擁自鄴趨汴入

洛遂即位更名亶○邀墨各反佶其吉反更音庚

管蕃漢馬步兵也○契丹阿保機死子德光立○閩王

延稟弒其君延翰而立其弟延鈞延稟審知之

驕淫殘暴蔑棄兄弟故被弒○吳王楊溥稱帝○荆南節度

使高季興卒吳立其子從誨○楚武穆王馬殷卒子希

聲嗣○吳越武肅王錢鏐卒子元瓘瓘音貫○

唐武安節度使馬希聲卒弟希範嗣○閩王王

延鈞稱帝更名璘○唐定難節度使李仁福卒

子彛超嗣○唐以孟知祥為蜀王初知祥與東

璋連兵反攻陷州郡至是知祥斬○唐主亶殂

初秦王從榮驕狠自知時論不與常恐不得為

嗣及唐主寢疾遽率牙兵千人至端門下將入

禁衛討之從榮兵潰走歸府皇城使斬之唐主

悲駭疾劇遂殂從榮明唐主性不猜忌與物無

競登極之年已踰六十也競爭每夕於宮中焚香

祝天曰某胡人因亂為眾所推願天早生聖人

為生民主

胡氏曰祝天之言發於誠心天既厭亂果生聖人唐主以丙戌即位宋祖以丁亥生焉用是觀之天人交感之理不可誣矣

在位八年改元者二曰天成長興內無聲色外無遊畋不任宦官廢內藏庫賞廉吏治賊蠹雖不知書所行暗合於道年穀屢登兵革罕用校於五代粗為小唐子宋王立是為閔帝

藏去聲

史斷曰明宗初無黃屋之心遭時之亂邂逅得國莅政之初斬孔謙而去苛法誅宦寺而

委宰相命諸道以均民田廢內藏庫以崇儉
約誅賊吏以示蠹民之戒褒孫岳以化清
之風遠女色而減後宮之費優民力而免逋
負之租絕音樂之好而黜伶官薄口體之奉
而省庖厨戒田獵之為民害而縱鷹犬惡冗
官之費而罷有名無益之吏戒橫斂斥私獻
而抑攷守進奉有年之書兩見于策且目不
知書而所行暗合古訓有如是者惜其以戲
殺從粲而無父子之恩以誣殺安重謀而無
君臣之義年幾七十諱言儲嗣卒致從榮稱

兵驚亂宮闈父子祖孫一日而絕身肉未寒
家國俱破雖曰輔相非人亦不學之所致也

閔帝名從厚明宗次子也即位有志為治然不
知其要寬柔少斷斷去聲○蜀主孟知祥稱帝○

唐潞王從珂舉兵鳳翔長驅至洛陽唐主出奔
在位改元應順數月而已潞王立是為廢帝應去聲

廢帝名從珂本姓王氏明宗之養子也少從明
宗征伐有功名得衆心用事者忌之從珂鎮鳳
翔閔帝命移鎮河東將佐以為離鎮必無全理

乃移檄隣道起兵入清帝側從珂至陝諸軍皆

迎降至洛宰相馮道等百官班迎遂即位遣人

鵬殺閔帝於衛州

少去聲○清帝側謂

蜀主

孟知祥殂子昶立

昶丑兩反

○唐夏州節度使李彝

超卒兄彝殷代之○閩李倣弒其主璘而立福

王繼鵬更名昶倣伏誅

繼鵬璘子也

○唐以石敬瑭

為天平節度使敬瑭拒命初唐主與敬瑭素不

相悅唐主立敬瑭不得已入朝尋歸鎮陰為自

全之計唐主移鎮鄆州遂反求救於契丹契丹

敗唐兵立敬瑭為晉帝引兵向洛陽唐主自焚

死在位不三年改元清泰唐自莊宗至是四主

實三姓一十四年而亡

號朝音潮○鄆州
為天平節度

史斷曰潞王以明宗養子僥倖奪人之國蓋
至是而國姓三變焉方其入洛許軍士以人
賞百緡及其至洛府庫枵然金帛不盈三萬
顧乃掊剝聚歛括民以給之民心愁嗟思亂
者衆其始也戕民以買國其終也民散而國
亦隨之宜其不能久有其國而況奪敬瑭之
節度殺敬瑭之子弟以自促其亡哉

晉

晉高祖皇帝姓石氏名敬瑭沙陀人唐明宗之
婿也初與從珂皆勇力善鬪事明宗皆有功內
相忌從珂稱帝敬瑭自河東來朝將佐皆勸留
之時久病骨立唐主不以為虞遂得歸鎮也虞防
公主在洛陽辭歸唐主醉曰何不且留遽歸欲
與石郎反邪敬瑭聞之益懼尋命移鎮敬瑭拒
命唐主發兵討之桑維翰為敬瑭草表稱臣於
契丹事以父禮約事捷割地為去聲劉知遠以為
太過厚賂金帛足致其兵不必許以土田恐異
日大為中國患敬瑭不聽路音表至契丹主大

喜將騎五萬而來與唐兵戰於晉陽大敗之將

皆去聲

契丹主立敬瑭為帝國號晉割幽薊瀛莫

涿檀順新媯儒武雲應寨朔蔚十二州與之幽薊

涿檀

順新雲蔚屬今北平瀛莫屬河

契丹以晉

主南下又破唐兵至潞州契丹北還晉主引而南唐將校皆飛狀以迎唐主自焚死晉主入都洛已而還汴

胡氏曰敬瑭之罪在不助閔帝苟以閔帝失國則當尊奉許王不為衛州之事而歸奪國弑君之惡於從珂兵以義舉名實皆正則其

德美矣乃急於近利稱臣契丹割棄土壤以
父事之其利不能以再世其害乃及於無窮
故以功利謀國而不本於禮義未有不旋中
其禍者也

吳徐知誥稱帝國號唐奉吳主為讓皇

書法曰廢主書

廢恒辭也此其書奉何恕知誥也彌為讓皇固不可以廢言也

初徐溫命知誥

治昇州致繁富城市府舍甚盛溫自徙居之以
知誥入廣陵輔吳政溫卒知誥以中書令鎮昇
而留其子輔吳政廣金陵城吳加知誥大元帥
封齊王備殊禮至是遂受吳禪

金陵即昇州

知誥本

徐州李氏子也自謂唐後國號唐尋復姓李更

名昇是為南唐更音庚昇音弁○吳自揚行密

○契丹改號遼書法曰蠻夷改號不書此其書

後有事仍書契○閩王曦弒其主昶而自立稱

藩于晉曦叔父也○吳越文穆王錢元瓘卒子弘

佐嗣○閩王曦稱帝○漢主龔殂子玠立龔音

之更名也○晉主浚瑋殂在位八年改元天福

齊王立是為出帝

史斷曰晉祖以唐朝禁嚮之親地尊勢重迫

於猜疑請兵契丹賂以土地而取人之國迹

其以中國之君而屈身夷狄玩好珍異旁午
道途小不如意譙責繼之當時朝野莫不痛
心而晉祖事之殊無赧色夫以古人行一不
義殺一不辜而得天下猶且不為況附夷狄
以伐中國又從而取之者乎綱目書晉上尊
號於契丹契丹加晉主尊號所以著中國夷
狄首足倒懸之極其惡契丹而賤敬瑭也甚
矣

出帝名重貴高祖兄子也高祖臨終命幼子重
睿宰相馮道欲其輔立景延廣議以國家多

難宜立長君遂立重貴延廣用事

難去聲長上聲

○唐

主昇殂子璟立○閩富沙王延政稱帝於建州

國號殷

延政昶之弟也建州即建寧府屬福建

○漢晉王弘熙弒

其主玠而自立更名晟

弘熙玠之弟

○閩指揮使朱

文進弒其主曦而自立閩人討殺文進傳首建

州殷改國號曰閩唐兵拔建州閩主延政出降

傳去聲

○閩自王審知僭號至是六世三十七

年而

○憲法曰閩自審知書卒其後延翰舜

祖曦皆以弒終晉公然也五季諸國閩為甚焉

○契丹大舉入寇遣兵

入大梁執晉主重貴以歸初晉祖事遼甚謹至

少主即位景延廣主議告哀不復稱臣遼主大

怒

少去聲

延廣又囚其回圖使已而遣歸大言曰

歸語而主先帝為北朝所立故稱臣奉表今上

乃中國所立為隣稱孫足矣翁怒則來戰孫有

十萬橫磨劍相待

語去聲而汝也

桑維翰屢請遜辭

以謝遼每為延廣所沮

為去聲

於是遼入寇渡河

晉主自將及遣李守貞等分道擊之遼敗走遼

再至相州引還晉主又自將追之遼旋兵南下

晉人擊之遼又敗走晉主既再勝意遼不足畏

至是遼大舉八大梁執晉主殺維翰囚延廣尋

自殺晉主在位五年改元開運晉自高祖至是

再世一十二年而亡

胡氏曰興晉者桑維翰也亡晉者景延廣也
二人用心異而受禍同何也歐陽子曰本末
不順而與夷狄共事者常見其禍未見其福
也

遼主八大梁胡騎四出剽掠謂之打草穀丁壯
斃鋒刃老弱委溝壑自東西兩畿及鄭滑曹濮
數百里間財帛殆盡騎去聲○打草穀言哨糧草也○遼主謂

判三司劉昫曰遼兵應有優賜遂括都城士民
錢帛遣使者數十人括於諸州皆迫以嚴刑人

不聊生括至初無頒給皆欲輦歸中外怨憤皆思逐之所在盜起遼主曰我不知中國難治如

此居汴三月而還

判可旬反○判三司官名掌
判決鹽鐵度支戶部三司政

也事晉劉知遠先一月稱帝於晉陽

先聲去

史斷曰少主信景延廣之狂策內政不脩外挑強胡自陽城一捷之後顧謂國勢無虞驕奢益甚四方貢獻皆歸內府廣置宮室崇飾後庭賞賜伶優多寡無筭委任馮王倚勢弄權當旱蝗水潦國脉如綫之時方且今年遣使括民穀明年遣使括民財迨夫契丹入寇

境內皇皇猶且調鷹苑內排沮人言遂使橫尸蔽野宗廟丘墟迹其人謀豈不幸哉夫以晉之立國絕滅三綱屏棄五常報叔母為妻而夫婦亂矣尊夷狄為父而父子亂矣為中國主臣于契丹而君臣亂矣三綱既失中國已淪胥為夷不待契丹主服赭袍坐崇元殿令百官行入閣禮而風聲氣習之來侵已非一日矣此蓋人道之大變中國之巨禍至使斯人與禽獸雜處而又離其害焉此豈容以常理斷哉

漢

漢高祖皇帝

姓劉氏初名知遠沙陀人也事晉

祖敬瑭於兵間功最多晉祖在河東唐潞王移
之鎮鄆知遠曰明公久將兵得士卒心今據形
勝之地士馬精強若稱兵傳檄帝業可成奈何
以一紙制書自投虎口遂拒命舉兵滅唐入洛
陽知遠時為侍衛馬軍都指揮使分漢兵入營
館遼兵於寺城中肅然肅然言不敢犯今也後晉祖以知
遠鎮河東晉祖臨終遺命以知遠入輔政晉人
匿之知遠由是怨朝廷晉雖以知遠為行營都

統知遠不行遼滅晉八大梁知遠稱帝於晉陽

遼去乃發太原入洛遂入汴國號漢後更名曷

曷音○契丹耶律德光死於殺胡林兄子兀欲

立殺胡林在真定府欒城縣北○楚文昭王希範卒弟希廣

嗣○吳越忠獻王弘佐卒弟弘侂侂音嗣統軍使胡

進思廢之而立其弟弘俶俶音○漢主曷殂在

位二年改元乾祐子周王立是為隱帝

史斷曰漢祖擁精銳之兵居形便之地屬胡

騎北還中原無主不動聲色據南面而君之

盖非幸禍而興適乘時而作故一聞稱帝而

諸郡爭殺契丹使者奉表稱款中國之正氣
藉是得以少延亦可謂幸矣然其素非掃除
暴亂之才又無積功累仁之德偶爾得之已
無憑藉而况始入洛陽遣使者殺李從益及
八大梁制盜賊無問賊多少皆死所為如此
其能久乎

隱帝名承祐年十八即位先是漢祖以弟崇尹
太原為留守河東節度使崇與郭威有隙至是
威為樞密院使侍中執政崇為自全之計選募
勇士招納亡命繕甲兵實府庫罷上供財賦朝

廷詔命多不稟承

繕音善治也

○荆南節度使高從

誨卒以其子保融知留後○漢護國節度使李

守貞反以郭威為西面招慰安撫使討克之守

貞自殺○漢以郭威為鄴都留守○馬希萼陷

潭州殺楚王希廣而自立

希萼希廣兄也

○漢主承祐

殺其樞密使楊邠侍衛指揮使史弘肇二司使

王章遣使殺郭威不克威舉兵反遂殺其主承

祐

書法曰書官以殺殺無罪也一日而殺大臣

不書弒何承祐寵信讒邪多殺大臣是亦一夫而已故特書殺以為萬世戒此綱目之變例也

漢主自即位以來邠總機政弘肇典宿衛章掌

財賦威主征伐邠頗公忠弘肇察京師道不拾
遺章拮據遺利供饋不乏國家粗安弘肇嘗謂
天下須用長槍大劍安用毛錐子章曰若無毛
錐子財賦何由取辦章輕文人嘗曰此輩握筭
不知縱橫何益於用也毛錐子筆筭籌也漢王左右嬖幸
寔用事親戚干政邠等每裁抑之漢主益壯厭
為大臣所制弘肇嘗議事於前曰陛下但禁聲
有臣等在漢主積不平左右因譖之積不平言
者非一事也至是殺邠弘肇章遣密詔欲殺威於鄴
將相勸威入朝自訴威引大軍至漢主遣兵拒

之或降或不戰而還漢土為亂兵所殺威白太
后迎武寧節度使貫未至聞遠入寇遣威將兵
禦之至澶州將士大譟裂黃旗以被威體共扶
抱之呼萬歲震地擁威南行遂代漢漢二主四
年而亡

續資治通鑑長編卷一百一十五
劉崇子倫反也

史斷曰隱帝雖有君天下之號而政非已出
自三叛既平日益驕縱郭允明以諂媚而得
幸王章以聚斂而掌財一二年間太白晝見
日月告凶大風示變方且無故屠其大臣數
窮則搏自殞其身父子相承四載而滅自古

享國未有如此之促者也

周

周太祖皇帝

姓郭氏名威太原人也唐莊宗有

宮人柴氏歸其家擇姻一日窺于門見有疾走而過者柴氏大驚問何人告者曰從馬軍使郭雀兒也柴氏欲嫁之父母曰汝帝左右人歸當嫁節度使奈何嫁此人柴氏堅不嫁他人竟歸威威微時刺其頂為雀兒也漢祖鎮河東威為孔目官遠在汴威勸漢祖舉兵遂成帝業孔目官掌大曹案牘隱帝時威專征伐隱帝欲殺之不克威擁兵入

汴已而出禦遠軍士擁還汴時已迎贊於徐州

乃以漢太后令廢贊為湘陰公成為監國尋即

位自謂周虢叔後國號周周虢叔後世次未詳蓋六慕名者也○

周主威弒漢湘陰公贊於宋州漢劉崇稱帝於

晉陽書法曰書弒何宜立也湘陰書弒則承祐書殺之意明矣劉崇稱帝以漢冠之于崇

正也初崇聞隱帝遇害欲起兵南向及聞迎立贊

則曰吾兒為帝吾復何求至是贊廢死乃稱帝

所有并汾忻代嵐憲隆尉沁遠麟石十二州之

地謂其臣曰顧我是何天子汝等是何節度使

邪是謂北漢遣子承鈞伐周不克遣使乞師於

遼遼策命北漢主更名旻旻音民及○契丹燕

王述軋弑其主兀欲而自立述律討殺述軋而

代之軋北漢伐周遼主引兵會之至新州其子述

述律北漢主復請兵以擊晉州○書法曰夷狄

弑則兀欲蓋庶乎欲義者故進之○楚將徐威

等作亂廢其君希萼立希崇為武安留後唐遣

邊鎬將兵擊之希崇降唐遷馬氏之族于金陵

楚自馬殷稱王至是六○武平留後劉言遣兵

攻潭州唐節度使邊鎬棄城走言遂取湖南周

以言為武平節度使王逵襲破朗州執劉言殺

之達還潭以周行逢知朗州事

朗州號武平節度劉言故楚將

也潭州即秦長沙郡朗州屬湖廣即武陵

○周主威殂在位三年改

元廣順晉王立定為世宗睿武孝文皇帝

史斷曰周祖兩弑其君篡取大位得國之初

罷四方貢獻珍食詔百官上封事毀漢宮寶

器立訢訟法定稅牛皮法罷戶部營田務除

租牛課又如曲阜謁孔子祠拜其墓況有王

峻以贊軍事范質以守法度李穀以道上意

雖享國日淺而施為有足稱者故先儒稱其

為唐明周世之亞蓋以此耳然其既已文身

而甘心從夷又偃然自處天位則是黃屋之中居一黥人耳何以令天下衆庶手觀其語劉崇曰自古豈有花項天子則周祖之自處亦是明矣

世宗皇帝

名崇本姓柴氏周祖妻兄柴守禮之

子也周祖無子故養之周初領節鎮已而尹開

封封晉王周祖臨終命之聽政尋即位節鎮謂

使節度

○北漢主以契丹兵擊周周主自將與漢

戰于高平漢兵敗績周將樊愛能何徽等伏誅

高平郡名屬山西即潭州初北漢主聞周祖殂大喜請兵於

遼遼遣楊衮將萬騎北漢主自將三萬兵來周
主欲自將禦之羣臣皆諫主曰崇幸大喪輕朕
年少新立一必自来朕不可不往以吾兵力之

強破崇如山壓外耳馮道力爭惟王溥勸行騎

少爭皆去聲北漢主軍于高平周前鋒擊之北漢兵

卻也退周主慮其遁去趣諸軍亟進後軍未至

衆心危懼而主志氣益銳合戰未幾周右軍將

樊愛能等先遁右軍潰步軍千餘解甲降趣促同亟

音棘急也主見軍勢危自引親兵犯朱石督戰宿衛

將趙匡胤曰主危如此吾屬何得不致死又謂

禁兵將張永德曰賊勢驕可破也公引兵乘高
西出為左翼我為右翼以擊之國家安危在此
一舉永德從之各將二千人進戰臣胤身先士
卒馳犯其鋒士卒死戰無不一當百北漢兵大
敗楊衮不敢救北漢主晝夜北走僅得入晉陽
當去聲周主收愛能等及所部軍使以上七十餘

人責之曰汝輩非不能戰正欲以朕為奇貨賣
與劉崇耳悉斬之自是驕將惰卒始知所懼不
行姑息之政矣永德盛稱臣胤智勇擢殿前都
虞候

都虞候官名掌殿前諸班直及步騎諸指揮之名籍

周主謂侍臣曰

兵務精不務多農夫百米能養戰士一奈何浚
民之膏血養此無用之物乎乃命大簡諸軍又
詔諸道募天下壯士咸遣詣闕命臣胤選其尤
者為殿前諸班其步騎諸軍各命將帥選之由
是士卒精強所向克捷

簡選也尤謂最精強者

胡氏曰五代之主多刻於民而紓於軍世宗
則嚴於軍而寬於民既得柄制輕重之權且
其言曰兵務精不務多奈何浚民膏血養此
無用之物聖人復起不能易矣

周遣行營部署符彥卿督諸將攻北漢汾遼石

沁忻及憲嵐州降周主攻晉陽不克引軍還遼

石沁折憲嵐七州皆屬山西○書法曰世○北

宗用兵皆書伐此其書攻何漢辭直也○周遣

漢主旻殂子鈞立鈞性孝謹勤於為政○周遣

鳳翔節度使王景伐蜀敗之取秦階成鳳州秦

成三州屬鞏昌○周主自將伐唐克楚州至揚

府鳳州屬陝西○周主自將伐唐克楚州至揚

州唐主遣使盡獻江北地周主罷兵引還唐主

更名景去帝號奉周正朔楚州屬淮東先是周

伐唐唐遣兵拒於壽州而敗周主自將大敗唐

兵於正陽壽州屬淮南正唐將皇甫暉姚鳳保

清流關主命趙匡胤倍道襲之擒暉鳳克滁州

清流關在滁州滁州屬淮東周師取楊泰光舒蘄州唐兵拒

周師復泰州攻揚州蘄音祈○揚泰蘄舒州周屬淮東光州屬河南

主命韋胤屯六合唐兵來攻奮擊大破之將士

有不致力者韋胤陽為督戰以劒斫其皮笠明

日遍閱其笠有劒跡者數十人皆斬之由是部

兵莫敢不盡死六合邑名屬真州陽詐也閱檢視也周主還大梁

留兵圍壽州唐兵復江北諸州周守將皆棄去

并兵攻壽州周主復自將如壽州唐人以城降

周主還已而復自將攻濠泗皆降進攻楚州遣

兵取楊泰至是唐主遣使降周主還濠泗二州皆屬淮西

○岳州團練使潘叔嗣殺王逵迎周行逢入朗

州行逢討叔嗣斬之潭澠有之併○南漢主晟殂

子鉉立音○周主自將伐契丹取莫瀛易置

雄霸州遂趨幽州有疾乃還益以瓦橋關為雄州

行也往還繞六十日○書法曰遂者何次辭也乃者何不得已之辭也非有疾則華夏之氣伸

矣○周以我太祖為殿前都點檢在胤先是為

使從征淮南又從征契丹至是授是識○書法

曰我太祖何趙匡胤也何以不名綱目未熹所

諱而熹宋人也故為國諱臨文不諱此則曷為

卒書君薨葬書葬我○周主榮殂主在位六年

改元者一曰顯德主在藩韜晦及即位首破高

平之敵入始服其英武號令嚴明人莫敢犯攻

城對敵矢石落左右略不動容應機決策出人

意表應去聲又對於政事發姦擿伏聽察如神音

剔挑也閒暇則召儒者讀史商權大義權音性

不好絲竹珍玩之物好去聲嘗言朕不因喜賞人

因怒刑人文武參用各盡其能人畏其明而懷

其惠故能破敵廣地所向無前登遐之日遠邇

哀慕子梁王立是為恭帝書法曰世宗即位六

立內修文事外抗武功而其君人之度又有非

後世所可及者豈不謂之賢主哉故綱目書罷

巡檢使臣書給漕運斗耗書制舉令錄法書禁

徒書開壽州倉賑濟飢民書均定田租書咸所
奏羨田書淮南飢皆善政也書撰通禮正樂書
之大樂書設科目皆文治也書簡閱諸軍書伐
蜀伐唐伐契丹皆武功也至於詔言得失褒贈
劉仁贍却泉州貢命城金陵可謂有君
人之度矣夫豈五季諸君之所及哉

恭帝名宗訓七歲即位以趙匡胤為歸德節度

使明年春鎮定言契丹八寇遣匡胤將兵禦之

至陳橋驛軍士擁還策立周主在位半年遂禪

于宋周自太祖至是三世實二姓十年而亡

驛在汴
城外

史斷曰恭帝以區區孺子纂承大統不足以
當皇天之眷命然真人德業日隆已為天下

所歸戴則其重負安得而不釋乎昔聞諸先
儒說五代之君更十有二周世宗為上唐明
宗次之餘無足稱焉歷考五代之世正如中
夜晦冥孤山窮谷之間鼯鼠鴟鴞狐狸鬼魅
何物不有故有以盜賊而君天下者朱梁是
也有以夷人而君天下者後唐晉漢諸君是
也有以黥卒而君天下者周郭威是也有以
丐養之子而君天下者唐明宗潞王周世宗
是也其變之大者則同姓之親斃於刀鋸而
不恤盜賊夷人之裔則養為已子使紹大統

而不顧中國之君已之所嘗北面而委質者
則叛逆篡弑而忍為夷狄之主中國所當拒
絕者則稱父稱臣而不恥首足倒懸寇讎逆
置自書契以來其禍敗之慘滅亡之速未有
甚於斯時者也人生斯世何其不幸歟

宋

宋太祖皇帝

姓趙氏名匡胤其先涿人也父弘

殷為洛陽禁衛將校娶杜氏生匡胤於甲馬營

赤光滿室營中異香一月人謂之香孩兒營

營在洛陽

及長容貌雄偉器度豁如

長上聲

周世宗時

掌軍政凡六年士卒服其恩威數從征伐立大

功

數音朔

世宗一日於文書篋中得一木書曰點

檢作天子時張永德為點檢世宗乃遷之而易

以匡胤

易音換也

至是恭帝命領宿衛禦契丹時

主少國危中外頗有推戴之議

少去聲

大軍既出

軍校苗訓見日下復有一日黑光相盪指曰此

天命也

復扶又反盪音蕩磨也

夕次陳橋驛軍士聚謀曰

主上幼弱我輩出死力破敵誰則知之不如先

立點檢為天子然後北征環列待旦點檢醉卧

不知也黎明軍士擐甲執兵直叩寢門曰諸將

無主願策太尉為天子黠檢驚起披衣則相與

扶出被以黃袍羅拜呼萬歲擁上馬南行摺音

黎黑也黑與明拒雜拒之不可乃攬轡誓諸將

曰汝等自貪富貴立我為天子能從我命則可

不然不能為若主也皆下馬曰願受命黠檢曰

少帝太后我北面事者不得驚犯公卿大臣皆

我比肩不得侵陵朝市府庫不得侵掠用命則

重賞不然則族誅皆應曰諾遂整軍自仁和門

入秋毫無犯少應皆夫聲和門汴州城門恭帝遂禪位以

所領節鎮為宋州歸德軍故國號曰宋奉恭帝

為鄭王

善禪音

即位之初陰察羣情頗為微行或

諫無輕出上曰帝王之興自有天命周世宗見

諸將方面大耳者皆殺之我終日侍側不能害

也微行愈數曰有天命者任自為之不汝禁也

中外龍

服

數音

音

朔

龍

也

呂氏

中

曰

五

季

之

衰

天

人

厭

亂

久

矣

唐

明

宗

有

天

生

聖

人

之

祝

而宋祖實生於是年則天

命所歸不待日光相盪而後知自掌軍政之

時士卒服其恩威中外同於推戴則人心所

屬不待陳橋之變而後見矧其號令之嚴秋

毫無犯不惟救生民塗炭之苦抑且革五季
兵戈之禍非聰明神武而不殺者孰能與於
此哉

周昭義節度使李筠起兵潞州會北漢師伐宋
宋遣將軍石守信等擊敗之宋帝自將克潭州
筠死之筠音均○周淮南節度使李重進起兵廣

陵伐宋宋遣將軍石守信等擊之帝自將克廣
陵重進死之重進周祖甥也○淮南節度使高保融卒

弟保勗嗣○以宿衛將高懷德等為諸鎮節度

使詩謂王審琦張令上既誅李筠李重進召樞

密直學士趙普問曰吾欲息天下兵為國家長
久計其道何如普言唐季以來帝王數易由節
鎮太重君弱臣強而已今莫若稍奪其權制其
錢穀收其精兵則天下自安又言殿前帥石守
信等皆非統制才宜授他職數音朔○季末也
非統制才謂不能
制伏其下
而作亂也上悟召石守信等宴酣屏左右謂曰
我非爾曹之力不至此然終夕未嘗安枕也居
此位者誰不欲為之屏音丙
退也守信等頓首曰陛
下何為出此言天命已定誰敢有異心上曰汝
曹雖無異心如麾下之人欲富貴何一旦以黃

袍加汝之身雖不欲為得乎

麾音揮

皆頓首曰臣

等愚不及此惟陛下哀矜指示可生之途上曰

人生如白駒過隙所為好富貴者不過欲多積

金錢厚自娛樂使子孫無貧乏耳汝曹何不釋

去兵權出守大藩擇便好田宅為子孫計多置

歌童舞女日飲酒相歡我且與汝等約為婚姻

君臣之間兩無猜疑上下相安不亦善乎

白駒日影

也○樂音洛皆拜謝曰陛下念臣等至此所謂生死

而肉骨也明日皆稱疾請罷故有是命惟守信

居職如故其實兵權不在也

生死肉骨謂如使死者復生而白骨

也生肉普薊人遇上於滁州用於節度掌書記上
即位後專與謀議倚信之

呂氏

中

曰禁衛之兵驕方鎮之權重五代以

干戈智力取之而不足宋祖以盃酒宴笑收
之而有餘此正孟子所謂為政不難不得罪
於巨室裴度所謂處置得宜以服其心者不
然無故而行削國之策豈不動七國之變哉
唐主景殂子從嘉立於江寧更名煜庚音○武
平武安節度使周行逢卒子保權嗣衡州刺史
張文表作亂襲據潭州保權請救于宋

朗州號
為武平

節度潭州號○荆南節度使高保勗卒兄子繼

冲嗣○高麗來貢○乾德元年命慕容延釗李

處耘等帥師會周保權討張文表誅之處耘襲

破江陵高繼冲降延釗遂襲破朗州獲保權以

歸荆南悉平慶音○二年丞相范質魏仁浦王

溥罷溥音質等周朝舊相也自唐以來宰相惟

面奏大政事餘號令刑賞除拜但入熟狀質等

自以前朝大臣稍存形迹每事具劄子進呈退

批所得聖旨同列皆書字以志之奏御之多始

此至是質等乞罷從之志記○以趙普同平章

事普既相以天下為已任上倚信之事無大小
悉咨決焉上數徼行幸功臣之家不可測普每
退朝不敢脫衣冠一夕大雪普意上不復出矣
久之聞叩門聲甚異亟出則上立雪中普惶恐
迎拜即普堂設重裯地坐熾炭燒肉普妻行酒
上以嫂呼之普從容問曰夜久寒甚陛下何以
出上曰吾睡不能著一榻之外皆他人家也故
來見卿普曰陛下小天下邪南征北伐此其時
也願聞成算所向上曰吾欲取太原普默然良
久之曰非臣所知也太原當西北二邊使一舉而

下邊患我獨當之何不姑留以俟削平諸國彼

彈丸黑子之地將何所逃上笑曰吾意正爾姑

試卿耳

數音朔重平聲禍一作茵褥也太原北漢所都彈丸黑子言其小也姑

且普嘗薦某人為某官上不許明日又奏之上

怒裂其奏普徐拾以歸補綴以進上悟乃可之

又有立功當遷官者上素嫌其人不與普力請

上曰朕固不與奈何普曰刑賞天下之刑賞安

得以私喜怒專之上不聽起普隨之上入宮普

立宮門不去上卒可之其剛毅果斷類如此繼

聲然相久得志屢以微時所不足於上及已者

為言上曰若塵埃中可識天子宰相則人皆物

色之矣自是不敢復言又復扶○以王全斌劉光

義為西川行營前軍兵馬都部署將兵擊蜀克

夔興利州進次魏城蜀主孟昶出降蜀自孟昶至

是二年三初上命宰相擇前代所未有年號以

改今元及是得蜀鑑乃有乾德四年鑄字怪之

召問學士竇儀曰昔偽王衍有此號上歎曰宰

相須用讀書人鑑鏡○五年五星聚奎奎經星直魯分

徐州白先是周顯德中竇儼楊徽之盧多遜同

為諫官儼善推步嘗曰丁卯歲五星聚奎自此

天下太平二拾遺見之儼不預也至是果然推

推箕天運也二拾遺指微之多遜也

呂氏曰五星聚奎固太平之象而實重啓斯文之兆也當是時安定湖學之說未行於西北伊洛濂閩之學未行於天下而文治精華已露於立國之初矣猗歟盛哉

定難節度使李彝興卒子光睿嗣○開寶元年

北漢主鈞殂養子繼恩立其臣侯霸榮弑之而

立其母弟繼元霸榮伏誅

初漢世祖女適薛氏生繼恩再適何氏

繼元俱幼孤世祖以鈞無子使養之皆冒劉姓先是上嘗因北漢謀者

語鈞曰君家與周氏世仇宜不屈今我與爾無
所間何為困此一方之人鈞遣謀者復命曰河
中土地兵甲不足當中國之什一區區守此盖
懼漢氏之不血食也上哀其言終鈞之世不以
大軍北伐及是始用兵謀音牒私行規敵者也語間音去聲○貶
判大理寺雷德驤商州司戶驤音襄德驤以其官
屬與堂吏附會宰相擅增減刑名見上言之且
言趙普強市人第宅聚斂財賄上怒叱曰鼎鑪
尚有耳汝不聞趙普吾之社稷臣乎引柱斧擊
折其二齒命曳出黜之市買也柱斧大斧也○遣李繼勳

帥師擊北漢○二年契丹殺其主述律而立其

子賢賢述律伯父元欲○帝自將會李繼勲圍

太原不下詔班師○三年以潘美為桂州道行

營都部署伐南漢○四年潘美克廣州獲南漢

主劉鋹以歸封鋹為恩赦侯南漢自劉隱僭號

亡年○六年鄭王郭宗訓卒初宗訓封鄭王後遷

長者俾為房州守至是宗訓卒上發哀○交州

丁璉表求內附詔以為靜海節度使安南都護

安南國名○趙普罷普獨相十年為政頗專嘗

以私怨誣馮瓚李美李楫以賊論死楫集接時

官禁私販秦隴大木普遣人詣市屋材聯巨筏

至汴治私第吏因竊貨大木盜竊私也又以隙地

私易尚食蔬園以廣其居多營邸店舍以窺利

易換雷德驤之子訐之上始疑普訐音結攻發陰私也先

是雖置參知政事以副普不宣制不押班不知

印不升政事堂至是始詔二參政升政事堂同

議政更知印押班與普齊未幾普遂罷為河陽

三城節度使薛居正呂餘慶等其後相繼為相

宣制奉宣制命也知印主○七年以曹彬為西

南路行營都部署帥師伐唐初上屢遣使喻江

南國王李煜入朝不至乃命彬及潘美等討之
戒以切勿暴掠生民務廣威信使自歸順不須
急擊取匣劍授彬曰副將而下不用命者斬之
美以下皆失色自王全斌平蜀多殺人上每恨
之彬性仁厚故專任焉先是江南樊若水舉進
士不第上書言事不報乃釣魚采石江上以繩
度江廣狹詣闕陳策上用其言令荆南造大艦
為浮梁以濟師至是用之不差尺寸度音鐸
梁橋也○
八年曹彬等圍金陵克之唐主李煜降彬之
圍金陵也煜遣徐鉉入貢求緩兵鉉言煜以小

事大如子事父其說累數百上曰爾謂父子為
兩家可乎鉉不能對還尋復至奏言江南無罪
辭氣益厲上怒按劍曰不須多言江南亦有何
罪但天下一家卧榻之側豈容他人鼾睡乎鉉
惶恐而退鼾音金陵受圍自春徂冬勢愈窮蹙
彬終欲降之累遣人告煜曰某日城必破宜早
為之所一日彬忽稱疾諸將來問彬曰彬之疾
非藥能愈諸公若共為信誓破城不妄殺一人
則彬疾愈矣諸將皆許諾焚香約誓翼日城陷
煜出降翼日明也捷書至上泣曰宇縣分割民受

其禍攻城之際必有橫羅鋒鏑者可哀也

橫去聲羅

音離遭也

彬還舟中惟圖籍衣衾閤門通其榜子曰

奉勅江南幹事回其不伐如此

大鴻臚寺曰閤門伐誇功也○

南唐自李昇僭号至是主三十九年亡

○九年封李煜為違命侯

錄用其名臣○吳越王錢俶來朝

俶音叔

辭歸上

賜以黃袱封緘甚固曰途中宜密觀及啓之皆

羣臣乞留俶章疏俶感懼

袱音伏

○帝如西京謁

安陵遂祀南郊而還

宋以洛陽為西京汴梁為東京安陵太祖父宣祖葬

所

○帝有疾太弟晉王八侍帝遂崩初上不豫

宋后遣宦者王繼恩召皇子德芳繼恩徑召晉

王后見王愕然曰官家吾母子之命托在官家

王曰共保富貴無憂也

宋后太祖妻也德芳太

三王

家天下

故謂

天子為

賢聖家

王入宮

散遣左右

以傳子孫

所言皆不可得聞但遙見燭影下王有離席之

狀既而上引柱斧戳地大聲曰好為之遂崩

載

角反

上在位十七年改元者三曰建隆乾德開

寶壽五十上仁孝豁達有大度陳橋之變迫於

衆心泊入京師市不易肆

泊音忌

及也

市不

驚擾也

嘗

一日罷朝坐便殿不樂者久之左右請其故上

曰爾謂天子容易邪適乘快指揮一事而誤故

不樂耳

樂音洛
易音異

嘗宴近臣紫雲樓下因論及民

事謂宰相曰愚下之民雖不分菽麥藩侯不為

撫養務行苛虐朕斷不容之

為絲皆去聲○菽
豆也不分菽麥言

愚之甚也開寶初修京城及大內營繕畢上坐寢殿

令洞開諸門皆端直軒豁無有壅蔽因謂左右

曰此如我心少有邪曲人皆見之矣

繕音善
補也

平

蜀後嘗擇其兵百餘為川班殿直郊禮行賞以

御馬直扈從特增給川班擊登聞鼓援例陳乞

上怒曰朕之所與即為恩澤豈有例邪斬其妄

訴者四十餘人餘悉配隸諸軍遂廢其直

從去
聲○

陳氏曰以蜀士卒猜者直殿故曰川班殿直內也援引也言引御馬直之例陳乞增給也

臣有逮事後唐者上問莊宗英武定天下享國

不久何也其人言其故上撫髀歎曰二十年來

河戰爭取得天下不能用軍法約束誠為兒戲

朕今撫養士卒不吝爵賞苟犯吾法惟有劔耳

撫猶拍也髀音彼股骨也五代以來藩鎮強盛上以漸削之

罷諸節鎮專用儒臣分理郡國以革節鎮之橫

又置諸州通判以分刺史之權自是諸侯勢輕

禍難不作橫難皆去聲專務愛養民力罷卻貢獻禁

進羨餘羨音硯常衣澣濯之衣寢殿青布緣簾衣常

之衣去聲晚節好讀書嘗歎曰堯舜之世四兇

之罪止於投竄何近代法網之密邪好去聲削平

諸國必招之不至而後用兵及其既降皆不加

戮禮而存之終其世如平南漢南唐之類可見嘗幸武成王

廟觀從祀有白起指曰起殺已降不武命去之

武成王謂太公望也初入京時周將韓通死節

追贈優厚王彥昇棄命專殺終身不授節鉞音鉞

越斧受禪之際倉猝未有恭帝禪制學士陶穀

出諸懷中上薄之歲久在翰林頗怨望上曰吾

聞學士草制依樣畫葫蘆耳何勞之有薄之謂薄其不

忠也誦蘆瓜屬內外官有時望者籍記姓名以

待不次選用稱職者多久任不遷聲稱去定銓選

法銓音全嚴舉主連坐法謬舉者嚴賊吏法有

實極刑者實置懲五代藩鎮苛征重斂之弊寬

商征寬麴鹽酒禁倉吏多入民租者或棄市商

商賈征五代多以武人為牧守率意用刑上懲

之故入者必抵罪抵當也言故八人罪定大辟

詳覆法辟音僻定折杖法言大杖一百折頒新

刑統實儀等定差役法差作版籍戶帖戶鈐

戶鈐如長吏有度民田不實者或杖流之上

聲音鐸度諸州旱蝗賑饑蠲租惟恐不及蠲音捐舉

德行孝弟親策制科舉人放進士榜嚴覆試法

御殿親試進士試書判拔萃言行去聲○拔擢也

之最善者也數幸國子監詔天下求遺書數音朔初用

和峴所定雅樂峴音顯初行劉溫叟所上開寶通

禮二百卷改鄉貢開元禮命宰執日記時政送

史館撰日曆撰日曆謂記制度典章彬彬有條

理彬彬猶也太弟立是為太宗皇帝

臨江梁氏寅曰宋有天下蓋因五代之亂風

諸將推戴以圖富貴然五代之君得之易失

之易而乃三百餘年之久者固天所命之亦
由宋祖知識之明而法制之善也夫點檢作
天子木書見其兆當出師之時而日光相盪
受命之始而五星聚奎故曰天所命之也諸
將石守信等以黃袍加帝之身豈誠為趙氏
之純臣哉其意以為威權在已則他日亦若
是也而宋祖用趙普之計釋諸將之兵權由
是人無異志故曰知識之明也五代多以武
人為牧守易於生亂太祖則以儒臣為之又
置通判以分其權而尤嚴賊吏之法寬苛虐

之政故曰法制之善也由是文武效用財力
富強凡僭偽之國盡削平之其致治亦云美
矣然父有天下傳之子古之道也而杜太后
欲兄弟相傳趙普又成其私致太祖不得正
其終二子一弟皆不得其死惜哉

太宗皇帝

初名匡又音義太祖

長去聲

太祖

入京城匡又音義首請蹕令諸將戢士卒仍自於馬

前戒標掠太祖受禪乃改名光義尹開封同平

章事封晉王

戢側入反
約束也

建隆二年昭憲杜太后

臨崩謂太祖曰汝知所以得天下者乎太祖曰

皆祖考與太后之餘慶太后曰不然正由柴氏
使幼兒主天下耳汝萬歲後當傳位晉王晉王
傳秦王秦王以傳德昭國有長君社稷之福也
太祖曰謹受教太后呼趙普曰趙普記共記吾
言不可違因命普於榻前為誓書普署紙尾曰
臣普記藏之金匱

長上聲呼去聲○柴氏謂周世宗秦王太祖次弟德昭太

子祖長

按父有天下傳之於子正也非有大不可舍
子而傳他人未有不生亂者也杜后但知幼
主之生亂而不知舍正立不正亂亦不免矣

史記卷一百一十五
四十四
太祖俛從母后之命卒至禍及子弟身亦不
保哀哉趙普於此不能據經切諫阿諛從也
蓋不學無術未知大臣之義者也

太祖友愛篤至晉王嘗寢疾灼艾太祖亦自灸
以分其痛嘗曰晉王龍行虎步且生時有異他
日必作太平天子福德非吾所能及也

灸音救

太

祖幸洛有布衣張齊賢獻十策召問賜食且啗
且對太祖善其策齊賢固稱餘策皆善太祖
怒斥使出既還語晉王曰吾幸西都得一張齊
賢吾不欲用之他日留與汝作宰相蓋傳位之

定久矣

二策謂下并汾富民封建崇學舉賢太學籍田選良吏懲姦恤刑

至是

即位更名炅以秦王廷羨尹開封改封齊王德

昭封武功郡王

更音庚炅音同

○平海節度使陳洪進

以漳泉二州來歸詔以為武寧節度使

漳泉二州並屬

建福

○吳越王錢俶來朝遂獻其地詔以為淮海

王

吳越自錢鏐據兩浙至是五世八十四年而亡

○隴西郡公李煜卒

贈太師追封吳王

○以潘美為北路都招討使帥師伐

北漢北漢求救於契丹契丹遣將救之大敗而

還帝自將圍太原克之北漢主劉繼元降以為

彭城郡公

北漢自劉崇稱帝至是四世二十七年亡

○帝發太原遂

伐契丹取易涿州進攻幽州敗績而還殺武功
郡王德昭初德昭從上征太原軍中嘗夜驚不
知上所在有謀立德昭者上聞不悅及是以北
征不利不行平北漢之賞德昭言之上大怒曰
待汝自為之賞未晚也德昭退而自刎後二年
岐王德芳卒自太祖二子相繼死齊王廷美不
自安他日上嘗以傳國意訪趙普普曰太祖已
誤陛下豈容再誤邪於是普復入相廷美遂得
罪降涪陵縣公普復使知開封府李符告其怨
望南遷房州尋殺之普恐符漏言乃坐符他事

流之春州卒

涪音浮○春州屬廣東今南恩州

○名華山隱士

陳搏詣闕賜號希夷先生尋放還山○西夏李

繼捧來朝賜姓名趙保忠以為定難節度使去難

聲先是李光叟卒子繼筠嗣又卒繼捧嗣至是

來朝獻四州地

四州夏銀綏宥

其弟繼遷叛去數寇邊

上命保忠管夏銀綏宥靜五州使圖繼遷繼遷

降賜名趙保吉保吉復寇邊命李繼隆討之保

忠言已與保吉解仇乞罷兵上怒命繼隆先移

兵討之繼隆入夏州檻送保忠於闕下保吉尋

亦請降而復叛命繼隆討之

檻上聲復扶又反○夏銀綏宥靜四州

屬甘肅綏西
○契丹主賢死子隆緒立
隆緒年十二母蕭氏

專其政
○遣曹彬等分道伐契丹敗績於岐溝徵

彬還京師
岐溝關名在涿州西南
自是遼連年入寇後女

真以遼隔其朝貢之路請擊之不許女真遂臣

於遼
女真東夷國谷
○鄧王錢俶卒
追封秦國王謚忠懿
○彭城

郡公劉繼元卒
贈中書令追封彭城郡王
○交州丁璉率大

校黎桓囚其宗族而專其國遣使奉貢詔以桓

為交趾郡王
大校大將校也
○帝崩上在位二十二年

改元者五曰太平興國曰雍熙端拱淳化至道

壽五十九
太平興國號
薛居正沈倫趙普宋琪李

昉呂蒙正張齊賢呂端等相繼為相昉音普凡

再入再罷尋卒普初以吏道聞寡學術太祖嘗

勸之讀書普遂手不釋卷每朝有大議輒闔戶

自啓一篋取一書閱之及卒家人視其篋則論

語也嘗謂上曰臣有論語一部以半部佐太祖

定天下以半部佐陛下致太平

闔音合也

石氏曰論語之書固足以定天下致太平矣

然觀普之所為未必盡出於此矣所謂云云

蓋謬言以欺人耳

愚按普性剛毅果斷盡忠國家固可謂社稷

之臣矣然觀其以私怨論殺馮瓚李美李攢
以阿私致秦王及德芳等不得其死以賊貪
受吳越金竊貨秦隴大木私易尚食蔬園若
此者不幾於亂世之姦雄者乎持以太祖之
明睿太宗之英斷有以成其美耳使遇漢獻
之世其不為曹操所為者幾希矣

蒙正晚出嘗與普並相普甚推之蒙正嘗置舟
子夾袋中疏四方人才姓名以待選用

遵推尊

聲選
託也

初太祖嘗以張齊賢屬上至齊賢舉進士
上欲置之上第而有司第其名在下乃詔一榜

盡賜及第特與通判卒至大用屬音呂端為相

人謂呂相作事糊塗上曰端小事糊塗大事不

糊塗或糊塗如字上自即位以來以小人為相者

盧多遜一人而已以多遜為相七年太子立是為

真宗皇帝太宗第三子也

陳氏控曰太宗沈謀英斷儉勤納諫閔農慎

刑好學重儒故能削平海內功業炳然遇灾

知懼過舉能悔是以民窮而不怨兵罷而能

戢若夫太祖之不得正其終涪陵武功之不

得其死宋后之不成其喪後世不能無譏焉

真宗皇帝

初名元侃封襄王太宗嘗遣相者詣

襄王及門而返曰王門廝後皆將相也王可知

矣至是即位更名恒

廝音斯廝養賤後人也更音庚

○咸平二

年契丹入寇帝自將征之至大名府而還

大名府屬

河東即魏州

○三年益州卒王均反僭號大蜀以雷

有終知州討平之○范廷召擊契丹求援於高

陽關都部署康保裔亟赴之廷召潜遁保裔為

所圍力戰死之

亟音克為去聲高陽關在安州

○李繼遷以

先朝奪所賜姓名寇邊不已攻陷靈州

句西涼

六谷酋長潘羅支乞會王師討之繼遷攻陷西

涼府潘羅支要而擊之繼遷中流矢而死其子

德明請降復賜姓趙後封為西平王長上聲要

甘肅即涼州○楊嗣揚延朗智勇善戰加團

練使虜憚之目曰楊六郎目梅也○景德元年契

丹主與其母蕭氏大舉入寇中外震駭參政陳

堯叟蜀人請幸蜀王欽若江南人請幸江南上

以問宰相寇準準問誰畫此策上曰卿姑斷其

可否勿問也準曰臣欲得獻策之人斬以釁鼓

然後北伐耳遂定親征之議斷去聲○釁血祭也蓋以血塗鼓而

祭之上駐蹕韋城尋至衛南契丹擁兵抵澶州

圍合三面李繼隆等出禦之契丹將撻覽中弩

死大挫退却不敢動

中 去聲 ○車駕停止曰駐蹕 韋城縣名屬開州挫擢

也折寇準力勸上渡河殿前帥高瓊亦力贊猶豫

間瓊麾衛士進輦曰陛下若不過河百姓如喪

考妣馮拯呵之瓊怒曰君輩此時尚責人失禮

何不賦一詩退虜邪遂擁上以渡既至澶州登

北城張黃旗幟諸軍皆呼萬歲聲聞數十里契

丹氣奪

猶豫不決也

先是王繼忠者陷虜嘗言和

好之利故雖大舉亦遣使以繼忠書來上命曹

利用報之至是利用與契丹使者韓杞皆來請

世宗所取關南故地上曰地必不可得寧與金帛以和準意亦不欲與且畫策以進曰如此則可保百年無事不然數十歲後戎復生心準蓋欲擊之使隻輪不返上曰數十歲當有能禦之者吾不忍生靈重困姑聽其和遂再遣利用往

關南故地

謂尾橋關蓋津關之南瀛莫易等州北也

利用請歲賂金帛之

數上曰必不得已雖百萬亦可準召語之曰雖有敕旨不得過三十萬如過此數勿來見準準斬汝矣利用卒以絹二十萬銀十萬定和議南朝為兄北朝為弟交誓約各解兵歸

語去聲

準初

發京師命朝士出知諸州皆於殿廊受敕戒之
曰百姓皆兵府庫皆財不責汝浪戰但失一城
一壁當以軍法從事恐王欽若沮親征之議以
其有智且有福出知天雄軍契丹至城下欽若
閉門束手無策脩齋誦經而已

河北魏博節度曰天雄軍

還自澶淵待準甚厚欽若歸深恨準嘗退朝上
目送準欽若進曰陛下敬準為其有社稷功邪
城下之盟春秋小國所恥也上愀然欽若每曰
澶淵之後準以陛下為孤士上待準寢薄尋罷
相

澶淵

即澶州

傳者錢盡而悉其

以王旦同平

相

有為一注

以決勝負曰孤注

以王旦同平

相

有為一注

章事旦王祐之子也太祖嘗遣祐按事謂祐還
與王溥官職祐不徇太祖意竟不大用祐曰祐
不做兒子二郎必做植三槐于庭曰吾後世必
有為三公者至是旦果為相槐二郎旦行也以三公之象故
之植深沉有德望能斷大事上心深屬之斷去聲屬音什
趙德明嘗以民飢上表乞糧羣臣皆請責之旦
曰臣欲詔德明云塞上儲糧不可與已於京師
積百萬可自遣衆來取德明再拜受詔曰朝廷
有人儲積也上既入欽若之言數問欽若何以刷
恥欽若知上厭用兵謬曰取幽薊乃可上令思

其次乃請封禪以鎮服四海誇示夷狄又言封

禪當得天瑞前代有以人力為之河圖洛書果

有此邪聖人以神道設教耳數音朔下同○刪

教易繫辭之辭欽若妄援於是自大中祥符以

來數有天書降言自偽詐書東封泰山西祀后土

於汾陰汾陰者汾水之陰也又有趙氏祖九天司命

天尊降天下立天慶觀置聖祖殿諱聖祖名玄

朗京師作玉清昭應宮旦不能止其事觀應皆

○上在位二十五年呂端罷後張齊賢李沆呂

蒙正向敏中畢士安寇準王旦相繼為相沆下

向音惟旦居位十一年當沆為相時旦甫參政

沆喜讀論語嘗曰為宰相如論語中節用而愛

人使民以時兩句尚不能行聖人之言終身誦

之可也甫始也時謂農隙之時也沆日取四方水旱盜賊奏

之旦謂細事不足煩上聽沆曰人主少年當使

知民間疾苦不然血氣方剛不留意聲色大馬

則土木甲兵禱祀之事作矣吾老不及見此參

政他日之憂也及大中祥符封禪祠祀土木並

興旦乃歎曰李文靖真聖人也少去聲○文每靖沆謚也

有大禮旦輒以首相奉天書以行常悒悒不樂

欲去則上遇之厚及薨于位遺令削髮披緇以殮議者謂旦得君而不能以正自終或比之馮

道云

樂音洛○旦削髮披緇如僧禮蓋自貶也馮道歷相五代之君蓋阿諛以取容者也

張詠嘗言吾榜中得人最多謹重有德量無如

李文靖深沉才德鎮服天下無如王公面折廷

爭素有風采無如寇公當方面之寄則詠不敢

辭

爭去聲○鎮撫一方曰方面

當旦之世王欽若已相欽若

罷寇準再入相參政丁謂事準甚謹嘗會食羹

汚準鬚謂起拂之準笑曰參政國大臣乃為官

長拂鬚邪謂甚愧恨

為去聲長去聲

準罷李迪丁謂為

相準遠貶迪罷謂獨相時上已有疾昏眩如準

罷貶皆謂白中宮行之上不知矣迪音狄○昏眩音迷眩亂

也尋崩年五十五改元者五曰咸平景德曰大

中祥符曰天禧乾興大中祥符四字年號太子立是為仁

宗皇帝真宗第六子也

新安胡氏曰真宗寬仁慈愛有帝王之量景

德以前足為繼世之賢君祥符以後不過為

矯誣上天之昏主矣

呂氏曰景德以前之相呂端張齊賢李沆呂

蒙正畢士安寇準王旦皆君子而沆之賢能

為最祥符以後之相王欽若陳堯叟馮拯丁
謂曹利用皆小人而欽若之奸邪為最雖有
向敏中李迪二賢然皆不數月而罷矣吁以
數君子成之不見其有餘以一小人敗之不
見其不足相道之有關於君德之成敗如此
可不慎哉

仁宗皇帝名禎母李氏章獻明肅劉皇后子之

自昇王為太子年十三即位劉太后垂簾同聽

政丁謂用事竄寇準為雷州司戶

雷州屬海南

參政

王曾密奏謂包藏禍心真宗山陵擅移皇堂於

絕地遂罷謂貶至崖州司戶

帝王之葬因山為陵故曰山陵皇堂

墳穴也絕地絕氣之地也按丁謂使入謂初命改穿上穴有石石盡水出故曰絕地

謂初命

學士宋綬草準責詞令用春秋無將漢法不道

為證事及謂竄綬乃用其語入快之

春秋傳云人臣無將

將而必誅言將有反意所謂誅意法也

不道如大逆不道誣上不法之類

京師語曰欲得天下寧當拔眼中釘要得天下

好莫如召寇老然準竟不及北還而卒

丁鉞指王

曾為相王欽若再相欽若卒張知白相知白卒

張士遜相士遜罷呂夷簡相惟王曾自天聖初

居相位至是七年而罷曾初舉進士青州發解

禮部廷試皆第一人曰狀元三場喫著不盡曾

曰曾平生之志不在溫飽真宗末正色立朝朝

廷賴以為重作相日所進退士莫有知者或問

其故曾曰恩欲歸已怨使誰當

解音介○發解鄉試禮部會試

廷試殿試也

○交趾黎桓景德中卒子龍廷殺其兄

龍鉞而自立來貢賜名至忠大中祥符間至忠

卒子幼弟爭立大校李公蘊逐殺之而自立至

是公蘊卒子德政立來告喪封交趾郡王○契

丹主隆緒死子宗真立○西夏趙德明卒子元

昊立○劉太后以上為已子而上母李氏默默

處先朝嬪御中未嘗自異人亦畏后不敢言疾
革乃進位宸妃而薨宰相呂夷簡奏太后宜備
禮以葬曰他日莫道夷簡不曾說來宸妃卒踰
一年太后崩稱制十一年上始親政革音棘
危急也先
是呂夷簡張士遜並相夷簡罷李迪相而士遜
為首相無所建明而罷夷簡復相迪罷王曾復
相而權在夷簡夷簡之初罷也以郭皇后之言
及復入而后有尚美人爭寵之隙遂廢郭后夷
簡有力馬臺諫孔道輔范仲淹爭不得而出爭
下
得之爭
去聲仲淹還朝為待制知開封府言事愈急

數譏時政夷簡訴其越職罷知饒州

數音朔○饒州府名

屬江

館閣余靖尹洙爭之皆坐貶歐陽脩責諫

官高若訥不諫謂不知人間有羞耻事若訥奏

其書亦貶蔡襄作四賢一不肖詩四賢指仲淹

洙靖脩不肖指若訥也王曾因對斥夷簡納賂

市恩夷簡曾並罷王隨陳堯佐代之以無所建

明而罷張士遜章得象代之○趙元昊據有夏

銀綏宥靈鹽會勝甘涼瓜沙肅州之地居興州

阻賀蘭山為固僭號大夏皇帝

夏銀宥靈鹽勝甘涼瓜沙肅州

十二州並屬甘肅綏州屬陝西會州屬鞏昌

八寇西遼驍然范雍經

略西夏聞元昊將攻延州懼甚閉門不救劉平

戰死中官黃德和誣奏平降賊以兵圍其家議

收其族當弼言平自環慶來援姦臣不救故敗

罵賊而死德和誣人冀免坐腰斬雍遂罷將如

延州屬陝西即延安郡環慶二州名屬鞏昌姦臣指元昊寇延州時德和引兵先走故

誣人以時軍興多事張士遜無所補諫官韓琦

上疏曰政事府豈養病坊邪於是士遜致仕琦音

奇呂夷簡復相用韓琦范仲淹為邊帥仲淹嘗

無知延州夏人相戒曰毋以延州為意小范老

子胷中自有數萬甲兵不比大范老子可欺也

小范指仲淹
大范指雍
邊人為之語曰軍中有一韓西賊

聞之心膽寒軍中有一范西賊聞之驚破膽元

昊之不得大逞蓋藉琦仲淹之宣力居多藉茲夜反

猶賴也契丹乘朝廷有西夏之撓遣泛使求石晉

所割周世宗所取關南地知制誥富弼接伴時

夷簡任事人莫敢抗弼數侵之夷簡欲因事罪

弼以弼報使弼至往返論難力拒其割地使還

再遣而國書故為異同夷簡欲以陷弼弼疑而

啓觀乃復回奏面責夷簡易書而往增歲賂銀

絹各十萬定和議而還使論難皆去聲數音朔易音亦○泛使泛海之

使也接伴謂陪奉及使也夷簡求罷上遂欲更報使謂回報契丹之使也

天下弊事增諫官負命王素歐陽脩余靖蔡襄

供諫院職以韓琦范仲淹為樞密副使召夏竦

為樞密使諫官論罷竦以杜衍代之更音國子

直講石介喜曰此盛德事也乃作慶曆聖德詩

有曰衆賢之進如茅斯拔太姦之去如距斯脫

大姦指竦也易曰拔茅連茹言善類相引並進也距爪也雞之勇也以距距脫則

不能為他雞仲淹琦適自陝西來道中得詩仲

淹拊股謂琦曰為此怪鬼輩壞事怪為去聲壞音怪鬼指

石竦因與其黨造論目衍等為黨人也目稱歐陽

脩乃作朋黨論上之略曰小人無朋惟君子有
之小人同利之時暫為朋者偽也及其見利而
爭先或利盡而情踈反相賊害君子脩身則同
道而相益事國則同心而共濟終始如一此君
子之朋也為君者但當退小人之偽朋進君子
之真朋則天下治矣治去聲仲淹遷參政富弼為
樞副上既擢仲淹等每進見必以太平責之開
天章閣召對賜坐給筆札仲淹等皆惶恐退列
奏十事一曰明黜陟二曰抑僥倖三曰精貢舉
四曰擇官長五曰均公田六曰尊農桑七曰脩

武備八曰減徭役九曰覃恩信十曰重命令上

方信向悉用其說惟武備欲復府兵一說宰相

以為不可

長上聲復音伏○府兵見唐太宗紀

時章得象晏殊並

同平章事未幾仲淹宣撫陝西河東富弼宣撫

河北竦黨造謗故仲淹等不安於朝歐陽脩亦

出使河北

使去聲

晏殊罷杜衍同平章事衍務裁

抑僥倖每內降率寢格不行積詔旨十數輒納

上前

內降謂宮中詔旨也

上嘗語諫官曰外人知衍封

還內降邪朕在宮中每以衍不可告而止者多

於所封還也

語去聲

會衍嬖蘇舜欽監進奏院用

鬻故紙公錢祠神會客御史中丞王拱辰素不

便衍等所為因攻其事置獄得罪者數人拱辰

喜曰吾一網打去盡矣

鬻賣也言進奏院祠神
會客也

妓會衍相七十日而罷賈昌朝平章事無樞密

使韓琦罷樞副知楊州事章得象罷陳執中平

章事昌朝罷夏竦代為樞密使

潮音

○貝州卒

王則反文彥博宣撫河北討平之彥博入為平

章事○趙元昊慶曆初嘗因范仲淹請和反覆

數歲竟納款復稱臣策命為夏國王名曩霄歲

賜銀絹茶絲二十五萬五千遂不復寇邊卒子

諒祚立

復扶入反○款誠也言

○陳執中以無

所建明罷

○夏竦罷宋祥代之尋同平章事未

幾罷

○張貴妃伯父堯佐一日除四使監察御

史裏行唐介論之不聽遂劾奏文彥博向守蜀

以燈籠錦獻貴妃得執政故黨堯佐上怒遠貶

介彥博亦求罷龐籍平章事

四使謂宣徽節度景靈羣牧也監察

御史裏行諫官名燈籠錦亦名間金奇錦

○廣源州儂智高寇廣州

連歲陷諸州自邕至廣西皆被其害命樞副狄

青討平之還為樞密使

儂音農姓也

○龐籍罷陳執

中梁適平章事適罷劉沆代之執中罷文彥博

富弼並同平章事士大夫相慶得人上曰人情

如此豈不賢於夢卜哉上嘗問王素孰可為相

素曰惟宦官宮妾不知姓名者可充其選上憮

然曰如此則富弼耳

夢卜謂商高宗夢得傳說周西伯卜得呂尚也

○

契丹主宗真死子洪基立○交趾李德政卒子

日尊立○劉沆罷文彥博罷韓琦平章事富弼

罷○王安石知制誥安石每遷官逡避不已至

知制誥則不復辭矣

復扶又反

安石嘗侍賞花釣魚

宴誤食釣餌已悟而食之既上以其不情而遂

非惡之安石有重名士爭向之惟蘇洵不見著

辨姦論亦以為不近人情必大姦慝

惡去聲洵音旬○餌

嚼魚食也既盡也情實也遂非猶言文過也

○司馬光知諫院進三

劄一論君德有三曰仁曰明曰武二論御臣曰

任官曰信賞曰必罰三論揀軍又進五規曰保

業曰惜時曰遠謀曰謹微曰務實

揀音簡選擇也

○策

制科人得蘇軾蘇轍

軾字子瞻轍字子由老泉子也

○曾公亮

平章事○上在位四十二年改元者九天聖明

道則垂簾之政也景祐以來政由已出寶元康

定間西鄙多事慶曆更化君子滿朝至皇祐至

和嘉祐天下承平無事

更音庚○垂簾謂太后稱制也西鄙指西夏

恭儉之德愛人恤物之心自即位至升遐終始
如一日遺制下雖深山窮谷莫不奔走悲號而
不能止壽五十四皇子立是為英宗皇帝遺制者升

○選之詔也
號平聲

呂氏曰仁宗在位日久深仁厚澤刑以不殺
為威財以不蓄為富兵以不用為功人才以
不作聰明為賢以寬厚待民以恩禮待士而
以至誠待夷狄好學崇儒扶植斯道此蘇文
忠公謂社稷長遠終必賴之者誠確論也白
璧微瑕其廢郭后之一事乎

英宗皇帝

初名宗實濮安懿王允讓之子太宗

之曾孫也仁宗立為皇子賜名曙仁宗崩固避
數四而後即位以憂疑致疾慈聖光獻曹太后
權同聽政上舉措或改常度遇宦官尤少恩左
右多不悅乃共為讒間兩宮遂成隙賴宰相韓
琦參政歐陽脩等調護上既康復親政太后撤
簾間去聲復音伏琦一日出空頭勅脩已簽趙
槩未簽脩曰第書之韓公必有說琦坐政事堂
召內侍任守忠立庭下曰汝罪當死責蘄州安
置蓋交闕兩宮之人也空音控蘄音祈○空頭
勅謂未書姓名之勅書

也簽署名也第但也內侍○議崇奉漢王典禮

執政欲稱皇考又以太后詔令上稱親司馬光

范鎮呂誨范純仁呂大防呂公著交論以為不

可鎮罷翰林誨純仁大防解言職公著罷侍講

議竟不決

執政謂歐陽脩韓琦也

愚按曹魏制後嗣有白諸侯入奉大統者不

得顧私親子朱子綱目特筆書之深予之也

蓋先王制禮尊無二上故漢宣繼孝昭光武

繼孝平皆不追尊其兩生父母為是故也况

英宗自幼育於仁宗宮中立為皇子又非漢

宣光武之比其不可尊崇濮王明矣

契丹改號大遼○上崩在位四年改元治平年三十六皇太子立是為神宗皇帝

史斷曰英宗以明哲之資膺繼統之命臨政必問故事與古治所宜每有裁決出入意表優禮大臣愛民好儒足為良主第以享年不永不克大有所為惜哉

神宗皇帝

名顥母曰宣仁聖烈皇后高氏曹太

后之甥也幼與英宗同鞠后所後為英宗配生

顥自顥王為太子尋即位

后所曹太

○自有濮

議以來言者攻歐陽脩不已遂罷韓琦亦罷

濮議

崇奉濮王之議也

○王安石為翰林學士入對首以擇

術為言言必稱堯舜○富弼同平章事王安石
參政安石既執政士大夫素重其名以為太平
可立致呂誨時為御史中丞將入對學士侍講
司馬光亦將詣經筵相遇並行光密問今日所
言何事誨曰袖中彈文乃新參也光愕然曰衆
喜得人奈何論之誨曰君實亦為此言邪安石
執偏見喜人佞已天下必受其弊光退而思之
不得其說摺紳間有傳其疏者徃徃疑其太過

謾言大姦似忠大詐似信安石外示朴野中藏巧詐驕蹇慢上陰賊害物疏其十事上兩降手

詔喻謾謾論之不已遂罷謾

愕音岳驚遽失色之貌君實光字也

安石建議創制置三司條例司議行新法言周置泉府之官變通天下之財後世惟桑弘羊劉晏粗合此意今當脩泉府之法以收利權安石多與呂惠卿人號安石為孔子惠卿為顏子

桑弘

羊事見漢武帝紀劉晏事見唐德宗紀

先是治平中邵雍與客散

步天津橋上聞杜鵑聲愀然不樂客問其故雍曰洛陽舊無杜鵑今始至天下將治地氣自北

而南將亂自南而北今南方地氣至矣禽鳥飛

類得氣之先者也不二年上用南士作相多引

南人專務更變天下自此多事矣至是雍言果

驗云散上聲樂音洛治去聲更音庚○治平英

字亦名子規亦名催歸地位北屬水南屬火地

氣自北而南者水克火其理順所以治也自南

而北者火勝水其理逆所以亂也安石欲行青苗法以為周官

國服為息法也當禾苗青時以錢貸民令出利

各以所服國貢物為息若蘇轍曰以錢貸民吏

緣為姦錢入民手雖良民不免妄用及其納錢
雖富民不免違限鞭笞必用州縣不勝煩矣借貸

也也勝音升追策參政唐介爭論新法不勝疽發背

卒聲爭去時人有生老病死苦之喻謂安石為生

曾公亮為老介死富弼議論不合稱病參政趙

抃無如安石何唯稱苦苦而已安石折抃曰君

輩坐不讀書耳抃曰臯夔稷契何書可讀安石

亦不能對契音雪○遣使察農田水利○罷義倉

○行均輸法命發運使領之凡上供之物皆得徙貴就賤用近易遠預知在京倉

庫所當辦者便○臺諫劉琦錢顗以議新法貶宜蓄賈以待之

○諫院范純仁檢詳文字蘇轍以議新法罷詳

文字官名○行青苗法置常平官制物貨低昂使常得其平○富

弼罷陳升之同平章事升之初附安石既相頗

為異同○行預買法令諸路預給錢和買紬絹

○趙抃罷抃日所為事夜必焚香告於天○親

試舉人初用策葉祖洽以附會新法擢為第一

○右正言孫覺御史裏行程顥以議新法罷○

中丞呂公著裏行張戢以議新法罷戢音剪○李

定為裏行句知制誥宋敏求蘇頌李大臨以繳

定詞頭罷詞頭誥命也李定為秀州判官阿附

驟自幕賓而升執政非○謝景溫為御史知雜

知主也言主御○直史館蘇軾以嘗上萬言書

史之雜事也

及擬對廷試策議新法忤安石為景溫所劾去

為去聲

○鄧綰上書言陛下得伊呂之佐百姓歌

舞青苗免役等法又與安石書及頌置中書檢

正以綰為之鄉人皆笑罵綰曰笑罵從他笑罵

好官我須為之

出免役法謂凡當役人戶以等第

寺觀品官之家舊無差役而多出錢者名助役錢凡敷錢先視州縣應用在直多必隨戶等均取

在直既已用足又率其數增取二分

○曾公亮

罷○策制科人呂陶張繪孔文仲力詆新法皆

報罷○范鎮以數議新法及常薦蘇軾孔文仲

罷乞致仕

數音朔下同

○陳升之罷○韓絳王安石

同平章事○立保甲法

其法十家為保五家為保十家為保

選衆所服者二人為都保正副凡保丁聽自置弓箭習武藝

○曾布為中書

檢正○更科舉法罷詩賦明經諸科以經義論

策試進士

更音庚

○司馬光先自學士除樞副力

辭不拜數言新法之害上喻安石曰聞三不足

之說否曰不聞上曰外人云朝廷以為天變不

足畏人言不足恤祖宗法不足守昨學士院進

館職策問專指此三事策問光所為也

恤憂也

光

屢請外得永興移許州上言臣之不才最出羣

臣之下先見不如呂誨公直不如范純仁程顥

敢言不如蘇軾孔文仲勇決不如范鎮屢請判

西京留司御史臺至是得請後四任提舉嵩山

崇福宮光初出知永興一路青畝助役得免後

而留司御史臺至是判○歐陽脩先知青州以

擅止給散青苗錢徙知蔡州至是乞致仕○富

弼先判亳州坐格青苗法徙判汝州格音各止

沮止青苗○中丞楊繪裏行劉摯以議新法罷

○罷差役行募役法令人戶等第輸免○立太

學三舍法初八學為外舍不限貧外舍升內舍

經治一○行市易法於京師置市易務先支官錢

賣不行願賣入官許至務投
○行保馬法詔開

界保甲願牧馬者聽仍令
○立方田均稅法東

西北各千步當四十一頃六十六畝一百六十
步為一方歲以九月令佐分地計量驗地肥瘠

分為五等
○置熙河路以王韶為經略安撫等

使熙河路屬鞏昌即臨洮府先是韶上平戎策謂欲平西夏

當復河湟今古渭之西熙河蘭鄯皆漢隴西等

郡吐蕃喃廝囉一族國其間宜併有之以絕夏

人右臂喃廝囉音角廝羅音羅○陳氏曰湟水

西郡蘭鄯二州名並屬鞏昌喃廝囉吐蕃首領也安石以為奇謀始開

熙河之後韶克河洮岷疊宕等州又據青唐咽

喉之地邊堠蓋斥役兵死亡甚多

宕音蕩○陳氏曰河洮即

熙河路帳疊二州屬鞏昌宕州屬順元青唐即鄯州新土表界曰堠五里一堠也斥開廣也

○中書檢正章惇察訪湖北始議經制南北江

蠻辰州南北江乃古錦州之地接施黔牂牁命

章惇措置惇言招諭梅山蠻徭今作省戶皆歡

迎其實殺戮浮屍蔽江

徭音遙○陳氏曰辰州屬湖廣施州名牂牁郡

名並屬州南南夷別種曰徭省戶謂歸附之民咸省戶口也

○置詩書周禮

三經義局安石為提學呂惠卿及安石子雱等

為檢討

雱音滂

○熙寧七年天久不雨河東北陝

西流民皆流入京城而京城外饑民尤多監安

上門鄭俠畫為圖上書曰陛下南征北伐皆以
勝捷之勢作圖來上而無一人以天下憂苦妻
子不相保遷移困頓遑遑不給之狀為圖而獻
者安上門逐日所見百不及一亦可流涕況千
萬里外哉時以旱故求直言言者皆咎新法上
疑欲罷之安上門汴州城門安石不悅求去出知江寧

府安石薦韓絳代已為相呂惠卿為參政時號

絳為傳法沙門惠卿為護法善神

江寧府屬江東即金陵

惠卿建議免役出錢不均出於簿書之不善乃

行手實法

手實法者令戶自具丁口田宅之實如有隱落詐以其三分之一付告

是獲者充賞於民益困矣惠卿既得勢恐安石復入遂逆閉

其途出安石私書有勿令上知之語凡可以害

安石者無所不用其智又數與絳忤絳乘間白

上復相安石安石罷不一年再入聞命不辭自

金陵七日至闕下後數月絳與惠卿相繼罷數又

之數音朔間去聲復去聲○行戶馬法○司徒兼侍中判相

州魏公韓琦卒琦天資忠厚能斷大事治平間

為首相政事問集賢典故問東廳文學問西廳

大事則自決之矣斷治皆去聲○集賢謂次相

歐陽脩出判相州初言青苗不便朝廷不從

即命散給曰藩臣之體當如是在鄉郡八年而終謚忠獻御製碑曰兩朝顧命定策元勲之碑

琦本相州人而判相州故曰鄉郡兩朝仁宗英宗也言承二帝遺命而有策士天子之元勲者

也○命韓縝如河東割地縝音軫先是遼使屢至

言河東沿邊增脩戍壘起舖舍侵入彼國蔚應

朔州界乞行毀撤別立界至蓋遼人見朝廷招

高麗建熙河西山植榆柳創保甲築河北城池

創都作院降弓矢新樣置河北三十七將疑有

復燕之意故以爭地界為名觀朝廷所以應安

石斷之曰將欲取之必姑與之東西失地七百

里

使應銜皆去聲○西
山在鞏昌襄武縣

○安石再相二年屢謝

病子雱死求去尤力上益厭其所為出判江寧
府遂不復用自安石用事口談先王而專行管
商之政知上有富強之志思所以濟其欲謂立
法當用小人而後以君子守之不悟其無是理
也天下騷然而國未嘗富邊鄙生事徒多喪敗
而國未嘗強管謂管仲
商謂商鞅西鄙自治平末种諤取
綏州夏人即欲興兵報復夏主諒祚卒子秉常
立大人寇復音安石雖用王韶取熙河之策徒
構怨西蕃致鬼章等屢為寇患初不能以此制

西夏

構結也鬼章西蕃大酋也

所用沈起劉彝又生釁南方

交趾李日尊卒子乾德立起彝相繼知桂州集

土丁為保甲於海濱集舟師教水戰禁止州縣

與交人貿易交人大舉入寇圍邕州陷欽廉聲

言中國作青苗助役法以困民出兵相救安石

怒遣趙鼎等討之官軍死者什六兵禍訖安石

之去而未已

高音雪○土丁本土人丁也交人交趾人也欽廉二州名屬海南

吳充王珪繼安石為相充先在政府數言政事

非使既代安石蔡確鄧潤甫等共攻之不能去

數音

○元豐元年下知湖州蘇軾貶為黃州

團練副使

黃州屬

先是中丞李定言軾自熙寧

以來怨謗君父舒亶亦言軾議時事陛下發錢

以本業貧民則曰贏得兒童語音好一年強半

在城中

發錢謂散青苗錢也業強半太半也

明法以課試羣

吏則曰讀書萬卷不讀律致君堯舜終無術律

法律興水利則曰東海若知明主意應教斥鹵

變桑田

教平聲鹵音脅

謹鹽禁則曰豈是聞韶

解忘味邇來三月食無鹽其他觸物即事無不

以譏謗為主

鮮去聲通近也

乃追軾繫御史獄詔定

與張璪推治

璪音早

王珪言軾有不臣意舉軾擄



史記

二十一

詩根到九泉無曲處世間惟有螫龍知陛下飛

龍御天而軾欲求之地下之螫龍非不臣而何

上曰彼自詠檜何預朕事螫直立友上本無意罪軾

吳充王安禮皆勸上容之獄成而有是命是命謂團

練副使弟轍亦坐救軾而貶坐軾詩案黜罰者

張方平司馬光以下二十二人上實憐軾尋移

汝州且復用矣為蔡確張瑛等所沮為去聲○吳

充罷踰月而卒○元豐三年大正官名五年官

制成改平章事為左右僕射以王珪蔡確為之

參知政事為門下中書侍郎章惇張瑛為之置

尚書左右丞蒲宗孟王安禮為之以三省統領

百職中書取旨門下覆奏尚書施行

射音夜○三省中書

門下尚書也

珪為相人謂之三旨宰相凡事惟曰取

聖旨得聖旨則曰領聖旨退書之則曰奉聖旨

而已上厭之確謂珪曰上久欲取靈武公能任

責則相位可保也珪喜如其言命內侍李憲等

分道代西夏攻靈州不克士卒死及凍餒者十

五六憲上再舉之議徐禧又議築永樂新城夏

人大舉攻城陷之禧等蕃漢官及諸軍死者萬

三千上聞奏慟哭

樂音洛○永樂新城在銀州東南二十五里

○司

徒開府儀同三司致仕韓公富弼卒弼上遺表
言忠諫杜絕諂諛日進興利之臣為國歛怨又
言西事大可憂望留聖念弼早有公輔之望名
聞夷狄遼使每至必問其出處安否忠義之性
老而彌篤家居一紀斯湏不忘朝廷至是薨為使

皆去聲處音杜○西事西夏之事也彌益也十二年日紀○宰執同對上有

無人才之嘆蒲宗孟曰人才半為司馬光邪說
所壞上不語視宗孟久之曰宗孟乃不取司馬
光邪宗孟尋罷為去聲壞音怪司馬光資治通鑑成上
即位之初已嘗御製序至元豐七年書始上初

官制將行上欲取新舊人兩用之曰御史大夫
非司馬光不可蔡確曰國是方定願少遲之既
而上有疾又曰來春建儲當以司馬光呂公著
為師保公著夷簡子也

國是國家公論也
建立也儲太子也

上在

位十八年改元者二曰熙寧元豐厲精求治日
是不暇食平生不御遊畋不治宮室惟勤惟儉
將以大有為也夫何熙寧以來誤於安石元豐
以後用事者終始皆安石之黨竟為天下患

音夫

其憤北狄倔强慨然有恢復幽燕之志欲先取

靈夏滅西羌乃圖北伐及安南失律喟然嘆亦

子無罪而死永樂之敗益知用兵之難始息念

征伐卒無一事如意崩年三十八皇太子立是

為哲宗皇帝偃音屈強去聲梗戾貌失律謂此起劉彝激敗交人也樂音洛永樂

之敗事見上文

史斷曰神宗崇尚節儉厲精圖治將大有為

奈何惑於王安石之偏見曲學紛紛制作變

亂祖宗成憲用兵西北卒無成功由其志大

而才小故也

哲宗皇帝名煦初為延安郡王神宗大漸立為

太子大漸謂病大進於危殆也先是蔡確遣邢恕邀高公繪

欲使白高太后言延安冲効岐嘉皆賢王也公
繪懼曰公欲禍吾家亟去恕包藏禍心反謂太
后與王珪表裏欲捨延安而立子顥賴已及章
惇蔡確得無變且播其說於士大夫間矣亟音克

公繪高太后姪也太后哲宗祖母也岐嘉皆哲宗兄也亟急也至是即位甫十

歲太皇太后同聽政熙寧中太后已嘗流涕為
神宗言安石變法不便既垂簾知天下厭苦日
久首罷京東戶馬罷京東西路保馬罷京東西
物貨場罷諸州鎮寨市易抵當罷汴河堤岸司
地課放市易常平免役息錢罷在京免行錢罷

提舉保甲錢糧巡教等官罷方田等皆從中出

大臣不預

當去聲猶言典當也蓋民貨官物○

王珪卒蔡確韓縝為左右僕射章惇知樞密院

司馬光門下侍郎光居洛十五年兒童走卒皆

知司馬君實神宗升遐赴闕入臨衛士望見帝

手加額曰司馬相公也爭擁馬首呼曰公毋歸

洛留相天子活百姓所在數千人聚觀之光懼

歸洛已而召為執政

臨云聲吊哭也

○召監汝州酒稅

程顥為宗正寺丞未行而卒顥字伯淳弟頤字

正叔兄弟皆從濂溪周敦頤受學敦頤字茂叔

博學力行聞道早遇事剛果有古人風為政嚴
恕務盡道理以名節自礪雅有高趣牕前草不
除曰與自家意思一般黃庭堅稱其人品甚高
胷中洒落如光風霽月有太極圖通書行于世
顥頤初從之首令尋仲尼顏子所樂何事學成
各以斯文為已任思去聲樂音洛○仲尼顏子
所樂即論語所謂樂亦在其
中不改其樂之樂顥嘗言一命之士苟存心於愛物於
人必有所濟周禮九命一命受職今
第九品即周之一命也神宗嘗使
推擇人才所薦數十人以表叔張載弟頤為首
外親熙寧中以新法不合去國至是方召用遽
曰表

卒士大夫莫不哀傷之文彥博采衆論表其基
曰明道先生而第願為之序曰周公沒聖人之
道不行孟子死聖人之學不傳道不行百世無
善治學不傳千載無真儒無善治士猶得明夫
善治之道以淑諸人以傳諸後無真儒天下貿
貿焉莫知所之人欲肆而天理滅矣先生生于
千四百年之後得不傳之學於遺經辨異端息
邪說使聖人之道復明於世蓋自孟子之後一
人而已願嘗語人欲知吾道者觀此序可矣

治語

皆去聲復扶又反○淑善也貿貿昏昧貌明道先生去孟子之世凡千四百年張載字

子厚初無所不學後聞二程之言乃盡棄其學

而講焉有東銘西銘正蒙理窟等書行于世

人謂之橫渠先生

橫渠初年泛濫孫吳佛老故曰無所不學也

共城邵

雍字堯夫居河南與二程友雍之學玩心高明

觀天地變化陰陽消長以達萬物之變精於物

數推無不中顥嘗在考試院以其數推之出謂

雍曰堯夫數只是加一倍法雍歎其聰明欲以

數學傳二程二程不受邢恕欲受雍不許曰徒

長姦雄雍有皇極經世書十二卷擊壤集歌傳

于世人謂之康節先生富弼司馬光等皆深敬

重之

共音恭長上聲中去聲○共城縣名屬衛州加一倍法如太極生兩儀兩儀生四象

四象生八卦之類

宋自歐陽脩以古文倡天下文章雖

大變然儒者義理之學至周程出然後大明雍
敦頤載皆歿于神宗之世至是顯又歿惟頤在
學者宗之為伊川先生

倡音唱導引先也

新安胡氏曰濂溪周子倡明道學有太極圖
通書傳于世而授諸其徒二程夫子道學之
盛益大以肆上有以續孔孟千載不傳之緒
下有以開來學於億萬斯年康節邵子先天
有圖皇極有書得包羲氏之心教天下知來

藏往之學而張子之正蒙司馬公之通鑑又
為理學之淵藪史文之泰山皆卓卓乎其不
可及者猗歟盛哉

元祐元年蔡確罷確與章惇邢恕相交結往來
傳送語言自謂有定策功言官王覲極言惇確
及韓縝張瑄朋邪劉摯朱光庭蘇軾累數十疏
論劾確先黜

言官諫官也

○以司馬光為左僕射時

王安石已病其弟以郎吏狀示之安石曰司馬
十二作相矣悵然久之

十二光行也

議者或謂三年

無改父道新法姑稍損其甚者足矣光慨然爭

之曰先帝之法善者雖百世不可變若安石惠

卿等所建為天下害非先帝本意者當如救焚

拯溺猶恐不及况太皇太后以母改子非子改

父衆議乃定拯音整救也或謂光曰章惇呂惠卿輩

他日有以父子之議間於上則朋黨之禍作矣

光起立拱手厲聲曰天若祚宋必無此事父子之議

言新法乃先帝所立而子改之也安石每聞朝廷變其法夷然

不以為意及聞罷助後復羞役愕然失聲曰亦

罷至此乎良久曰此法終不可罷安石與先帝

議之二年乃行無不曲盡夷然猶言坦然也○章惇韓

績罷○王安石卒安石在金陵常獨語福建子
恨惠卿也惠卿叛安石惟章惇終始不叛安石
常曰新法之行終始以為可行者曾子宣也終
始以為不可行者司馬君實也

惠卿福建人故曰福建子也

○呂公著右僕射文彥博平章軍國重事程頤
崇政殿說書蘇軾翰林學士竄貶呂惠卿鄧綰
等射音夜○尚書左僕射兼門下侍郎司馬光卒
太皇太后哭之慟上亦感涕不已贈太師溫國
公謚文正光在位遼人夏人使來必問光起居
而遼人敕其邊吏曰中國相司馬矣切勿毋生事

開邊隙及卒京師民罷市盡其像印鬻之盡工
有致富者及葬四方來會者哭之如哭其親戚
光嘗語人曰吾無過人但平生所為未嘗不可
對人言者耳劉安世問光一言可以終身行之
者光曰其誠乎安世問其所從入曰自不妄語
入使去聲○入謂入於誠也○蘇軾程頤同在經筵軾喜諧
謔而頤以禮法自持軾每嘲侮之諧謔談諧也光
之薨也百官方有慶禮事畢欲往吊頤不可曰
子於是日哭則不歌或曰不言歌則不哭軾曰
此枉死市叔孫通制此禮也頤怒二人遂成隙

叔孫通西漢人軾言通頤門人朱光庭賈易

為言官力攻軾異音傳堯俞王巖叟呂陶等相

繼論列堯俞巖叟右光庭陶右軾論去聲是時元

豐大臣退於散地皆啣怨入骨陰伺間隙諸賢

不悟方自分黨相攻有洛黨川黨朔黨洛黨以

頤為領袖光庭易為羽翼川黨以軾為領袖陶

等為羽翼朔黨以劉摯王巖叟劉安世為領袖

而羽翼尤眾未幾頤罷不復召久之軾亦罷後

再入三入皆不久而出散上聲間去聲○散地

川謂蜀朔謂河北以衣之領袖喻○呂公著為

司空同平章軍國事呂大防范純仁左右僕射
純仁仲淹子也公著尋薨○知漢陽軍吳處厚
言蔡確謫安州日嘗登車蓋亭賦詩譏訕臺諫
論確不已安置新州呂大防劉摯范純仁王存
等以為不宜令過嶺置死地純仁曰此路荆棘
八十年矣奈何開之吾曹政恐不免耳爭之不

得臺諫交章攻純仁黨確純仁遂罷論爭並去

屬湖北今德安府是也車蓋亭在安州其詩曰
矯矯名臣却甌山忠言直節上元間釣臺燕沒
知何處嘆息思君倚碧巒蓋唐上元中高宗有
疾欲以位遜武后甌山公郝處俊諫止之今思
之是譏臺諫之不能諫也新州屬廣東劉摯為
嶺五嶺也荆棘言久無遠謫過嶺也

右僕射大防摯欲引用元豐黨人以平舊怨謂
之調停蘇軾等力陳其不可摯罷蘇頌為右僕
射頌罷純仁代之

黨人謂王安石之徒也調停調和均停也

○元祐

八年太皇太后高氏崩謚宣仁聖烈臨崩對上
謂大防純仁等曰老身歿後必多有調戲官家
者宜勿聽之公等亦宜早退令官家別用一番
人呼左右問曾賜出社飯否因曰公等皆去喫
一匙社飯明年社飯時思量老身也呼去聲后聽
政九年天下稱為女中堯舜不私外家以擁佑
嗣君之故二子壹女皆踈以至公御天下當世

賢者畢集于朝君子之盛後世以慶曆元祐並

稱焉

王嗣君指哲宗二子指徐王魏王慶曆仁宗年號

承祐宗殿兵之後

與民休息西蕃鬼章為邊將擒獻釋不誅以招

其部屬

為去聲

夏國自其主秉常卒乾順立政亂

主幼屢寇邊失藩臣禮皆強臣為之以其君民

非有罪不忍興師討伐詔諸路嚴兵自備而已

○上始親政侍郎楊畏首叛呂大防自謂迹雖

元祐心在熙豐入對乞召章惇明年改元紹聖

大防罷惇為右僕射純仁罷

熙寧元年豐皆神宗年號

惇之

來也道遇陳瓘惇素聞其名獨請共載訪以世

務瓘曰請以所乘舟為喻偏重其可行乎或左

或右其偏一也惇默然良久曰司馬光姦邪所

當先辨瓘曰相公誤矣此猶欲平舟勢而移左

以置右也果然將失天下之望共載謂同惇既

至以漸盡復熙豐之法治元祐人之罪無虛日

司馬光呂公著王巖叟趙瞻韓維孫固范百祿

胡宗愈司馬康等已死者皆追貶奪贈追貶謂

罪而貶其官爵奪贈謂呂大防劉摯蘇轍梁燾

范純仁劉奉世韓維王覲韓川孫升呂陶范純

禮趙君錫馬默顧臨范純粹孔武仲王欽臣呂

希哲呂希純呂希績姚勔吳安詩王份張耒鼂

補之黃庭堅賈易程頤秦觀朱光庭孫覺趙鼎

李之純杜純李周蘇軾范祖禹劉安世鄭俠等

皆連貶竄勔音免份音彬高音雪文彥博久致仕降為太

子太保罷節鉞尋卒節鉞節旌斧鉞也皇后孟氏太皇

太后所選聘也在中宮五年而廢事見宋鑑紹聖三年章

惇蔡卞請退廢太皇太后賴太后向氏太妃朱

氏泣諫上悟惇卞堅請施行上怒曰卿等不欲

朕入英宗廟庭抵其奏於地向氏神宗妃也○

立劉賢妃為皇后右正言鄒浩乞退停冊禮別

選名族詔浩除名勒停羈管新州浩道過其友
田晝臨別出涕晝正色曰使君隱默官京師遇
寒疾不汗五日死矣豈獨嶺海之外能死人哉
願無自沮士所當為者未止此也隱默謂隱緘
藏默而不言
也○元符三年上崩在位十五年改元者三曰
元祐紹聖元符壽二十五皇弟立是為徽宗皇
帝

四明陳氏曰哲宗冲幼踐阼宣仁同政召用
諸賢罷廢新法政事脩舉國內大治太后既
崩熙豐黨人得志橫行追貶元祐正人殆無

虛日是致禍亂內變夷狄乘釁而起國欲不
亡得乎

徽宗皇帝名佶神宗第三子也初封端王哲宗

崩欽聖憲肅皇太后向氏召宰執議立嗣后欲
立端王章惇曰端王浪子耳曾布身長望見端
王已在簾下叱曰章惇聽太后處分王出簾惇
惶恐失措王即位請太后權同處分軍國事范
純仁等二十餘人並收叙龔夬陳瓘鄒浩為臺
諫慶上聲分去聲夬音怪 ○以韓忠彥為右僕射忠彥琦
○文彥博司馬光等三十三人追復官 ○太后

垂簾半年而還政○章惇罷尋竄○韓忠彥曾
布為左右僕射○邢恕貶○蔡京蔡卞貶卞安
石婿也先是臺諫龔夬陳瓘任伯雨等攻卞罷
其執政京為翰林承旨瓘見其視日不瞬謂此
人必大貴然以其區區精神敢抗太陽他日得
志必為天下患瓘語人曰射人先射馬擒賊先
擒王連䟽攻之甚力京罷尋又以御史陳次升
等言與卞俱貶瞬音舜目動也上意專欲紹述
熙豐之政而曾布微有兩存熙豐元祐之意故
建中靖國初嘗略變章惇蔡卞所為既而布逢

迎上旨故正人任伯雨江公望陳瓘等不容於

朝小人雖各有黨更迭出入意向則同祖安石

而已更音庚○建中靖國四字年號也旨○契

丹主洪基死孫延禧立號天祚○女真阿骨打

立女真本名朱里真肅慎之遺種渤海之別族

也阿音遏種上聲○女真肅慎渤海皆東夷國名或曰本姓挾辰韓之

後三國志所謂挹婁元魏所謂勿吉唐所謂黑

水靺鞨者其地也挾音奴加反靺音未靺音倡有七十二部落

本不相統自大中祥符以後絕不與中國通有

生女真者其類尤繁其酋曰巖版有孫曰楊割

太師遂雄諸部割宋鑑或曰楊割之先新羅人

完顏氏女真妻之以女生子二人長曰胡來傳

三人而至楊割阿骨打其子也為人沉毅有大

志妻去聲長上聲○韓忠彥罷再追奪司馬光等官籍

元祐黨人○曾布罷蔡京為相蔡卞執政再貶

竄元祐人立奸黨碑京自崇寧為僕射至大觀

政和重和為太師嘗暫罷輒復入雖罷之日實

執國命觀音貫重平聲其間趙挺之張商英作相嘗與

京異然在位各不過數月或一年而罷如何執

中鄭居中劉正夫余深雖在相位或久或淺居

中亦與京異常相排擯正夫亦小異然與京之

權寵無損也

過音戈

京子攸之婦出入宮禁攸遂

大用至父子權勢自相軋上寵攸而尊京子弟

親戚滿朝皆其父子之黨

軋輾也

京倡邪說以為

當豐亨豫大之運專以奢侈勸上窮極土木之

功廣京城脩大內盛築內苑鑄九鼎鼎成以九

州水土納鼎中及奉安北方寶鼎忽水漏于外

北方鼎漏蓋北方土地當失之兆也

作大晟樂作玉清神霄宮崇

信道士林靈素策上為教主道君皇帝作延福

宮作保和殿

靈素温州人善妖幻帝寵信之言帝乃上帝之長子下降于世故策

之為教主
道君皇帝

作萬歲山以朱勔領花石綱奇花異

木怪石珍禽奇獸無遠不致民間一花一木之

妙輒令上供有一花費數千緡一石費數萬緡

者二十年間山林高深麋鹿成羣改名艮嶽又

為村居野店酒肆青帘於其間每歲冬至後即

放燈縱令飲博謂之先賞元宵

帝音廉酒旗也勔音免

○

時星芒屢見地震河決怪異迭出率以為常京

等誣奏甘露降祥雲見飛鶴蔽空竹生紫花芝

草產於艮嶽及諸州連理木雙花芙蓉芍藥牡

丹至指臘月雷三月雪皆稱瑞表賀

見音現○異本連幹

曰連理異首連蒂曰雙花○內侍童貫梁師成用事師成專

務應奉以蠱上心勢焰熏灼竊威福於中童貫

專務開邊生事於外皆與蔡京父子相表裏應

聲謂供應○女真完顏阿骨打稱帝更名旻國

號金庚更音初遼主天祚刑賞僭濫荒於禽色歲

索名鷹海東青於女真女真與其隣東北五國

戰鬪乃能獲此禽以獻不勝其擾勝音升○陳

名五國之東接大海出名鷹阿骨打遂叛攻陷

混同江東之寧江府寧江府在契丹東北隅遼遣將討之

而敗又起中京上京長春西遼四路兵並進獨

涑流河一路深入大敗三路皆退

涑音來

女真悉

虜遼東界熟女真鐵騎益衆天祚親征復大敗

女真乘勝并渤海遼陽五十四州又渡遼西降

五州阿骨打遂建號改元明年破遼上京

騎去聲○

居混同江之南者曰熟女真北者曰生女真

○高麗來求醫上遣二

醫往還奏實非求醫乃彼知中國將與女真圖

契丹謂苟存契丹猶足為中國捍邊女真狼虎

不可交宜早為之備上聞之不樂

樂音洛

○童貫

自崇寧間與王韶之子厚領兵復湟州任責措

置邊事已而復鄯州廓州貫遂建節為宣撫州

廓州並屬甘肅既得志於西邊遂謂北邊亦可圖政和

初乃自請奉使覘遼國有燕人馬植者陳滅燕

之策貫挾以歸更姓名趙良嗣復燕之議遂起

更音政和末有漢人高藥師泛海來具言女真

攻遼事重和春乃用蔡京童貫議遣馬政由海

道至阿骨打所居阿芝川洑流河與議共攻遼

阿骨打遂遣使來宣和初至京詔京貫諭以夾

攻取燕之意差軍校呼慶送其使由海道歸國

呼姓慶名也是歲王黼為相力贊攻遼之策及呼慶

復與金使來時阿骨打在上京遂遣良嗣往約

金國取遼中京本朝取燕京歲幣如與遼之數

良嗣曰燕京一帶則併西京是也金主亦許之

燕京

即大燕州西府

以札付良嗣期以金兵向平地

松林趨古北南兵自白溝夾攻良嗣歸馬政復

與子擴持國書往證彼此不得過關未幾金使

復來又以國書就付其使歸國

古北關名在順州北白溝在涿

州時淮南京西河北江南相繼盜起山東宋江

方就招安睦寇方臘連陷浙郡中都為震童貫

甫平方臘而北事作矣

為去聲○睦州名今建德府屬江浙金人

悉師度遼趨中京攻陷之中京者古奚國也遂

引兵至松亭關以與宋有各不過關之約止引

兵由其西而過

松亭關在景州北面

遼主先已引避或言

金前鋒將至遼主震驚亟奔雲中八夾山

雲中郡名

即西京

時燕王淳守燕蕭幹立淳為主童貫蔡攸

帥師東路至白溝西路至范村蕭幹迎戰甚力

宋師敗退淳死宋師再舉遼涿州將郭藥師領

常勝軍來降宋兵五十萬進駐盧溝河蕭幹拒

之藥師問道襲燕幹還救死鬪藥師屢敗僅以

身免遁還盧溝之師遂潰

間去聲○涿州號為常勝軍盧溝河在北

平貫攸懼無功獲罪時金主在奉聖州乃遣客

禱金主圖之金主分三道進兵遂入居庸關燕

降於金

奉聖州屬北平平縣西

金使來言燕京

以金兵攻下其地與宋租稅當以輸金宋使趙良嗣往議之許歲幣如遼舊數外更以百萬代租稅而併求雲中之地金人僅以燕京涿易檀順景薊六州來歸貫攸入燕燕之金帛子女職官民戶金人席卷而東所得空城而已貫攸歸以王安中知燕山府詹度郭藥師同知

燕山府即燕京

李氏曰啓燕雲之役者初則童貫得志於西

邊遂謂北方亦可圖繼而馬植來歸獻以取

燕之策徽宗如之何不喜殊不知天下久安
士不習戰白溝之敗為金人所笑遼亡而中
國之憂愈大哀哉

河北山東盜起連歲凶荒民食榆皮野菜不給
至自相食並起為盜有張仙者衆十萬張迪衆
五萬高托山衆三十萬自餘二三萬者不可勝

計

勝音升

○文真主是死弟吳乞買立更名晟○

燕山之地易州西北乃金陂關昌平之西乃居
庸關順州之北乃古北關景州之北乃松亭關
平州之東乃榆關渝關之東乃金人來路凡此

數關天限蕃漢得之則燕境可保然關內之地
平灤營三州自後唐為契丹阿保機所陷以營
灤隸平為平州路得燕而不得平州則關內之

地蕃漢難處而燕為難保矣

處上聲○昌平縣名屬北平灤州河

東○遼張鼓守平州金已遣人招鼓鼓曰契丹

凡八路今特平州存耳敢有異志既而乃以平

州南附宋遽納之趙良嗣力爭以為必招金兵

金人謀知即襲平州陷之得宋詔札自是歸曲

累檄取鼓不得已命王安中縊之而函送其首

鼓音角爭去聲○歸田謂責宋理曲也

未幾金太子幹離不已由

平州路將入燕矣

李不音

宋方且遣人密誘天祚

來降以童貫宣撫兩河燕山路將迎天祚金人

方恨天祚入陰夾山不可得至是領衆南出遂

為金人所敗就擒契丹自阿保機至天祚九世

而亡時宣和七年乙巳歲也

兩河謂河東河南北

機太宗德光世宗元欲穆宗述律景宗明記是

冬金幹離不粘罕分道而南幹離不陷燕山郭

藥師降之金兵長驅而進郭藥師為前驅童貫

自太原逃歸粘罕圍太原時王黼先一年罷而

白時中李邦彥並相皆鄙夫也金兵來時中但

建出奔之策而已上內禪在位二十六年改元者六曰建中靖國曰崇寧大觀政和重和宣和太子立是為欽宗皇帝

愚按徽宗以堂堂帝王之尊加以教主道君之號崇奉道教始終不渝宜其神物後先享祚縣永而乃國家破亡身就俘虜者何哉誠以崇信奸回屏棄忠直大興土木開邊生事而致然矣尊尚異教而其效驗如此有天下者可不鑑哉

欽宗皇帝名桓在東宮無失德蔡京童貫輩咸

憚之欲動搖不可至是即位大學生陳東等伏闕上書乞誅蔡京童貫王黼梁師成李彥朱勔六賊以謝天下彥以根括民田破蕩百姓結怨於河北京東西三路者也勔以花石綱所在騷動結怨於東南者也靖康元年首竄黼勔彥尋皆殺之○上皇奔應天府應去聲○應天府屬河東即宋州○以李綱為行營使定城守策○白時中罷李邦彥張邦昌為相○春正月幹離不抵京師先是朝廷遣李鄴求和幹離不携鄴以攻京城不克乃遣王訥與鄴偕來邦彥等皆主和惟李綱欲

戰上是邦彥之計遣鄭望之出使未至而遇王

訥與俱入見

現音

又遣李栻出使栻又與金使

偕來金人需犒師金五百萬兩銀五十萬兩牛

馬萬頭表段百萬匹割中山河間太原三鎮地

二十餘郡且欲宰相親王為質

栻音拙質音至

遣張邦

昌副康王如其營金太子與康王同射連發三

矢皆中皆金人謂是將家子非親王遣歸更請

肅王為質

中將質皆去聲皆音括箭受弦慶也言後矢破前矢也康王肅王並欽宗

弟也音庚更

种師道等諸道勤王兵至師道李綱俱

欲戰而李邦彥吳敏等專主和議論不一致虜

有待汝議論定時我已渡河之譏未幾統制官
姚平仲宵攻金營不克上大驚懼罷李綱以謝
金入大學生陳東及都人數萬伏闕乞復用綱
得旨復右丞充守禦使衆乃散金使復來乃以
割三鎮詔書遣使持往時括在京金僅得二十
餘萬兩銀四百餘萬兩藏蓄已空金人圍京城
凡三十三日得割地詔不俟金幣數足而退种
師道請臨河要擊之李綱亦以彼兵六萬而我
勤王之師二十餘萬縱其半道而擊之必勝邦
彥等不從惟詔三鎮仍堅守不割要邀○京師

受圍時梁師成已誅至是竄蔡京於儋州至潭

而死年八十蔡攸竄萬安軍尋有詔即所在斬

之童貫亦遠竄追斬於南雄儋音耽○儋州萬安今並屬南海南

雄府名○李邦彥罷張邦昌吳敏並相邦昌罷

徐處仁相處仁敏罷唐恪相恪罷何臬相處上聲臬

栗音○上皇歸京師數月金兵復至幹離不由東

路陷真定長驅抵京師粘罕由西路陷隆德大

原府汾澤州平定軍平陽府河南府河陽府鄭

州懷州抵京師真定府名屬河北平定軍河陽府屬山西懷州屬河東張

叔夜等統兵赴闕唐恪耿南仲專主和議乃止

各道兵毋得動毋者禁止之辭京師自十一月受圍凡

四十日失守上聞金人登城慟哭曰朕不用种

師道之言以至于此時師道前一月卒矣張叔

夜連戰四日斬其貴將一人欲護駕突圍而出

上惑於和議不之士卒彌哭而散平虜使劉

晏請上出城都民爭入齧而食之齧音典醉分其肉也何

桌欲率都民巷戰聞者爭奮金人由是歛兵不

下惟以割地責金幣和議為辭以誤戰守之計

門下侍郎耿南仲力主和議上以為然遂墮其

計中也歛收二元帥請與上皇相見上曰上皇驚

憂已病朕當自往遂如青城見之二宿而返

元二

帥謂幹離不粘罕也

明年春復請上出郊不復返矣續逼

出上皇皇后太子親王帝姬皇族前後三千餘人悉赴軍前城中子女金帛寶玩車服器用圖書百物括索公私上下俱空然後宣金主詔書選立異姓遂冊前大宰張邦昌為楚帝以宋二帝北歸金人在汴凡七閱月而去始至張叔夜常力戰餘皆主和大抵往來議事以至贊舉異姓者吳玠莫儔也逼逐上皇以下出郊者王時雍徐秉哲也脅懼都人者范瑗也

又音堅音萃

方上

在青城逼易御服時惟李若水抱持大呼奮罵
金人刀裂其頤斷其舌而後梟之相謂曰大遼
破死義者十數今南朝惟李侍郎一人然一時
憤死者甚衆金人不知也呼去聲斷音短梟音
矯懸其首以示衆也
吳革結衆欲劫還二帝為范瓊所誘殺聲為去何
桌孫傳張叔夜秦檜司馬朴皆爭論乞存立趙
氏金人遂驅之從上北行叔夜不食粟惟飲湯
過界河死桌至燕亦不食死當京城危急時四
方勤王之師至者皆詔止不進恐妨和議訖金
人之退未嘗交兵上在位不二年國破改元靖

康皇弟康王立于南京是為高宗皇帝

爭論皆去聲○

界河出霸州東入于海

四明陳氏曰初幹離不之北還以粘沒喝在大原其勢未合恐宋勤王之師有以乘之既退之後為宋計者宜為遠謀而乃上下相慶以為無虞於是迎上皇於東南散西兵於關陝勤王之師盡歸諸道拘粘沒喝之使忽李綱种師道之言曾不數月再致金兵蓋靖康之禍以小人終始誤之也其始也開釁以召禍其後也又欲連和以免禍靖康之賣國降

虜即靖康主和之人也靖康之主和即宣和
開釁之人也宣和之開釁即熙寧紹聖之遺
孽也履霜堅冰其所來者漸矣哀哉

古今歷代標題註釋十九史略通攷卷之六





